

驗方新編

卷一

壹

頭部

面部

眉部

眼部

耳部

鼻部

唇部

口部

舌部

齒部

鬚部

下頰

頸部

咽喉

白喉

丁
三
火

同治庚午鐫

校對
無訛

驗方新編

凡人不能無病，必延醫服藥。然醫膏有時，而難逢藥有。時而昂貴，富者固無慮。此貧者時有束手之憂。為方便計，自莫良於單方一門。

矣單方最夥選擇宜精果
能方與症對則藥到病除
無醫固亦可余幼時見人有
良方秘不傳世心竊鄙之
因立願廣求不遺餘力

或見於古今之載籍或得
之戚友之傳聞皆手錄之
久之薈萃甚富各門俱備
乃刪其不甚經驗及數方
相同與夫貴藥不能力效

者今之所存期於有是病
印有是方有是方印有是方
且有不費一錢而效如神者
雖玉窮鄉僻壤之區馬足
船唇之地無不可以倉猝立

將頃刻奏功區，救世之苦
心校讎言不倦，寢食與俱蓋廿
年於茲矣，同人見之謂可
傳世，遂集資以付手民，而
志其緣起如此，後有所得

當俟續刻云道光丙午仲
夏月善化鮑相璈撰於粵
西武宣官廨

叙

昔陸宣公在南中撰今古集驗方五十篇
惜今不傳而蘇端明復與沈存中撰蘇沈
良方一書後人力辨非端明之筆顧端明
雜著時言醫理於是事殆亦頗究心蓋方
藥之事術家能習其技而不能知其所以
然儒者能明其理而又往往未經試驗即
謂方出存中而端明以博通物理而輾轉

代傳其功豈遽出存中下宜迄今千百載
以蘇沈齊稱矣明焦弱侯亦嘗欲集古雜
記中諸藥方為一書惜未成祇筆乘中載
有數十條耳周櫟園書影謂古人非自驗
之方未必肯信之於集若依筆乘所載再
為推廣各分症類都為一集勝刻快書清
紀諸鄙俚無用之書多矣此書亦不難成
留心醫術誌之近善化鮑君成驗方新編

一書刻於粵西其視葛洪肘後方孫思邈
千金方未知何如而平易近人隨地隨時
均可濟物予特重付剞劂以分貽四方諸
君子庶廣益流佈更冀人同此心心同此
理俾立方者與予之願力引伸於不窮或
又重刊以輾轉代傳於通都大邑以迄海
澨山陬則彌溥功德於無量耳道光己酉
小寒節番禺潘仕成識於粵東海山仙館

重刊驗方新編序

昔蘇文忠曰人臣之進忠辟猶醫
者之用藥、雖進於醫手方多傳
於古人蓋古人之方經驗之方也
方而不驗烏乎傳方而不傳烏乎

驗余竊見夫紳宦殷富之家偶感
一疾訪名醫選靈藥寒煖雜投攻
補互用其病遂日以沉疾而曲卷
單寒之子當其病甚無力延醫乃
訪諸父老得之傳聞有不必叩醫

林而奏功俄頃者何則父老傳聞
之方皆古方也皆古方之屢有驗
者也然則驗方其可勿傳哉吾鄉
善化鮑君廣集古人之方之驗者
彙成十六卷顧之曰驗方新編新

編云者編雖新而方則古也其書始
刊粵西廉訪劉君雲樵繼鐫於閩
而其傳始廣第卷帙既繁取携非
易余分巡汀漳蒞政之暇重為校
對易以縮板以便舟車所願諸君

子足跡所經廣為傳布俾古人之
方不待進於醫者之手而竟藉是
而傳之而驗也庶不負編書者之
苦心云爾同治己巳仲春之月桂陽

朱明亮序

歲壬申予友黃藻亭明府以驗方新編見
貽翻閱之餘覺其議症論藥具有條理無論
知醫與不知醫閱之人人易曉偶於編內選
擇一二方如法製送莫不取效如神竊嘆其
嘉惠窮氓者良非淺鮮蓋是書專為荒村僻
壤不便醫藥而設遂印刷壹百部每村之中
擇謹愿識字之人致送一部凡近隣有患病

者。幸勿憚煩。就症代為檢方。並說明治法。若據為祕藏。藉以射利。則大失作書之本意也。伏願胞與為懷。或就編中經驗之方。預合施人或捐資印送。益廣流傳。則造福真無限量耳。因謹綴數言於簡末。以告世之好善者。

光緒二年歲次丙子清和之月 福邑龍田

村施天爵印送並識

丙子年信士施天爵敬送壹百部
庚辰年信士施天爵敬送八拾部

附王洪緒先生全生集自序

明劉誠意伯言藥不對症枉死者多余曾祖若谷公秘集云瘡疽無一死症而諸書所載患生何處病屬何經故治乳巖而用羚羊犀角治橫痃而用生地防已治瘰癧惡核而用夏枯連翹概不論陰虛陽實惟以引經藥倍以致乳巖橫痃成功不救瘰癧惡核潰久成怯全不悔引經之藥悞反諉言白疽百人百可到泉鄉夫江瘡乃陽實之症氣血熱而毒滯白疽乃陰虛之症氣血寒而毒凝二者以開腠裏為要腠裏開紅癰鮮毒止痛即消白疽解寒化凝立愈若憑經而失症治者藥之對經而實背症也世之患陰疽而斃命者豈乏人乎如以陰虛陽實別治瘡疽無死症之語確矣余曾祖留心此道以臨危

救活之方大患初起立消之藥一一筆之於書為傳家珍寶余幼讀之與世諸書治法迥別歷症四十餘年臨危者救之初起者消之疼痛癢極者止之潰爛不堪者斂之百治百靈萬無一失因思癰疽憑經並治久遍天下分別陰陽兩治惟余一家且余之治止於村境若遍通邑分身無術偶聞枉死無不痛惜特以祖遺之秘自己臨症並藥到病愈之方精製藥石之法和盤托出畫登是集並序而梓之以質諸世之留心救人者依方修合依法法製依症用藥庶免枉死使天下後世知癰疽果無死症云爾

又金生集凡例 一癰與疽之治截然兩途世人以癰疽連呼並治夫癰疽二字之連呼即夫妻二字之連呼也若以癰藥治疽猶以安

胎之藥治其夫矣是集以癰疽分別兩治皆執症執方之治法如照
法法製照症用藥救人之功余不敢分害人之罪余當獨認情願萬
劫披毛甘受屠家誅戮 一輯是集專論陰虛陽實認定紅白兩色
是癰是疽治即全愈所載諸方皆藥到病愈切勿增減並貴重之物
必分逐症治法開卷一目了然不必投師人人可精此道 一諸書
惟馮氏錦囊內附陰疽論與余家遺秘相符獨無消疽之方惟以溫
補兼托為法且疽初起即如平塌安可用托托則成功余家之治以
消為貴以托為畏即流注癰癥惡核倘有潰者仍不敢托托則潰者
雖斂增出者又何如耶故以消藥為貴也 一外科之虛實發現在
患治患之法集中詳細不諳脉息儘可救人故痘症之險悶順逆服

科之心肝脾肺腎皆現於外故亦不診脈也好學者察患色則知症
照症治無不痊一醫可寄生死閔坊刻外科妄稱正宗戴云症現
七惡即死又載以桐油燒紅衣針針入痰塊半寸用降藥為條插入
針孔七日塊自開裂再以條插七日其核自落又稱毒在皮裏肉內
刀割深要寸許方能洩毒殊不知毒在皮裏膜外或應開刀尚忌深
過三分恐傷內膜若深入寸許傷透內腑病人何能堪此極刑七惡
之現頃刻世之宗其法治盡屬削徒此集惟疔用刺其外概不輕用
刀針並禁昇降痛爛三藥一徧身患止有紅白兩色紅者瘡白者
疽瘡疽即其名也有謂無名腫毒因未識症而云一是書無論背
項腰腹色白者言疽以疽藥愈之紅腫者言瘡以瘡藥愈之坊刻書

稱以某藥與服不應再易某藥豈非以人試藥乎倘患生要緊穴道
安可遭醫試望高明詳之一世無爛久之瘡惟疽初起失消或遭
降灸針割以致年久不斂治之方藥集中細詳一此集有到之處
好學者自然以初起者消潰者斂余恐遲到處醫果經目人未習見
是以各坊翻刻速徧海內使醫有生人之治而患無枉死之人遂余
願矣 一載瘡疽咽喉疔毒結毒諸瘡痔漏等症皆藥到病愈之方
另有雜症五十方專愈五十病一服即效者附梓集中內無以人試
藥之悞望有力者照方合就遇病施送或止取藥本如抄方傳人註
明法製 一是書所有之藥悉登末卷法製處不可忽略宜細心照
法精製藥純效速 一傷寒症有傳經傳變故有醫不執方之說至

如外科雜症全賴識症執方余年七十有二治病經歷四十餘年用藥從無一錯故敢輯是集以公諸世

因名症治全生

凡例

一是編搜緝考訂垂二十年原委已詳序中其方雖未能一一遍試然偶一施治輒著神效故敢付梓公諸同好

一是編期於穩妥外治居多即內治諸方亦經斟酌然後入選惟藥信未盡諳如有紕繆之處尚祈高明正之

一膏梁之家喜服貴藥而庸醫每多迎合草菅人命恬不為怪不知藥如對症雖澀勃亦見奇功藥不對症即參茸每多貽誤尤須炮製得宜分量較準方能奏效是編貴藥甚少多係眼前常用之物

雖窮鄉僻壤購覓良便切勿以平易忽之

一是編隨手綴錄門類不倫有乖體例從俗便也識者諒之

一古今癩疽方書以古吳林屋山人王洪緒先生維德外科全生集

為最治疽之法尤為千古獨得之奇其餘雜症諸方亦多神效編中採錄十之八九特為隨症標明俾資擇用並將全生集序文凡例附錄於後俾閱者獨具隻眼濟世深心

一是編方多奇驗藥料亦價廉工省貧富皆宜家置一部最為方便如能刷印施送較送善書經文功德更大若能醵金翻刻廣為流傳或按方製藥施送濟世尤非尋常陰陽可比好善君子尚無忽諸

驗方新編總目

卷一

頭部

眉部

耳部

唇部

舌部

鬚部

頸項

卷二

面部

眼部

鼻部

口部

齒部

下頰

咽喉

馬之奇
卷一
肩部

腋部

胸部

卷三

心部

各種氣痛

勞傷吐血

卷四

脾胃

三消

手部

乳部

肋部

肺部

咳嗽

哮喘

痰疾

飲食積滯

噎膈反胃
附

卷五

肚腹

蟲疾

脇部

腰部

卷六

前陰

淋症

卷七

呃逆

痞疾

鼓腹

背部

小便

遺精

後陰

泄瀉

脫肛

卷八

兩股

臁部

卷九

婦人科

調經 崩帶附

胎前

大便

痢疾

痔瘡

海底

足部

種子

產後

雜治

卷十

小兒科

雜治

痘症

卷十一

癰毒

癰毒雜治

陰疽

陰疽諸症

驚風

痲症

癰毒諸症

癰毒諸方

陰疽治法

陰疽諸方

陰疽治驗

內外備用諸方

卷十二

急救

凡弔頸割喉腹破腸出溺水凍死雷擊痰厥氣閉一切急症皆在此內

解救諸毒

誤吞諸物

烟酒醉傷

卷十三

人畜蛇虫咬傷

湯火傷

跌打損傷

刑杖傷

銅鉄竹木

雜物入肉

卷十四

中風

筋骨皮膚病附

傷寒

感冒風寒

卷十五

中暑

痧症

霍亂

瘧疾

黃疸

瘟疫

蟲毒

卷十六

諸血

諸汗

邪怪

奇病

藥物備要

雜治

驗方新編卷一目錄

頭部

偏正頭風

雷頭風痛

氣虛頭痛

頭風目痛

腦後作痛

頭腦暈眩

搖頭下血

腎氣上攻頭難轉動

尋常感冒風寒頭痛

熱痰頭痛

厥陰風火上衝頭痛

終年頭似痛而非痛

頭腦鳴響

婦人血風頭暈倒地

腦滲

頭面發熱如有光彩

頭面腫大

頭上生瘡如蒲萄痛甚

頭頂結核如寡蛋響

頭頂生白色腫塊

頭頂生瘡喉有痰涎或能言或不能言

髮中生痛如珠

小兒頭面胎毒

頭面紅癩名曰石癩

頭上軟癩

頭上生瘡乾而無膿

十層瘡

禿頭瘡又名腦梨頭

落頭疽

頭角太陽生瘡色變青紫三日青至心胸而死

太陽出血

髮癩

髮落重生

髮易脫落

髮短而少

髮枯不潤

烏鬚黑髮

頭生白屑癢極難忍

增補腦漏神方

面部

面上生瘡

面上粉刺

抓破面皮

面生縐紋

髮黃而赤

少年白髮

頭腦肉瘡漸至髮落

增補癩子神方

面上似疥非疥似癩非癩

面上雀斑

玉容粉

冬天而唇皸破

面上黑氣

洗面光彩

腮挾穿爛

小兒腮腫內有硬核

眉部

眉上生瘡

眉毛不生

目部

洗眼仙方

青光瞎眼

面黑皮厚

腮邊酸痛發腫

兩腮赤腫

眉爛毛脫

眉毛搖動晝夜不睡

雙目不見

兩目忽然不見

鎮精丹

兩目夜不見物

吹鼻散

腎虛目痛

通治目疾諸方

小兒疳積暗眼生翳

眼生蘿蔔花

目中努肉筋膜雲翳

目中生管

目中流血

小兒腫人不正

風火眼痛

肝熱目痛

目昏多淚

兩目晝夜不閉

珠目癩眼

眼生星翳

眼中急起努肉

眼生紅子

眼中癢極如有虫行

眼内生虫

眼邊生虫

眼邊濕爛紅腫

眼漏流膿

小兒閉睛

眼邊紅腫發癢

名偷針眼

眼皮翻出

白眼珠忽然盡黑毛髮堅如鉄能飲食而不能言其形如醉

眼胞生珠生菌

眼胞痰核

眼珠無故湧出垂下大便下血亦有不便血者

眼珠暴出

眼珠縮入

眼珠傷損

眼被傷損不開

箭頭入目

蟾酥入目

泥沙入目

塵芒入目

飛絲入目

雜物入目

眼瞳成漏

拳毛倒睫

眼毛顛倒捲縮刺目者是

眼中常見異樣禽虫飛走

增補瞽目神方

耳部

兩耳聾閉

腎虛耳聾聲響如風水鳴如鐘磬聲

耳內時聞螞蟻戰鬥之聲時開時閉

耳閉不通又作痛

少壯病後耳閉

風木之鬱耳脹欲閉

胆火上鬱頭重耳脹目微赤

耳鳴耳癢

耳瘡震耳纏耳停耳風耳

耳內膿血腫痛有虛有熱其症不一甚至夜難安枕

耳內膿血不乾耳內有虫膿血不止

耳痔耳聾耳挺耳內生疔

耳內生粒如棉花子大極痛難忍

耳內有核痛不可忍

耳內如有虫走或血水流出或乾痛難忍

耳內耳外生瘡

耳後銳毒耳下生瘡

耳被挖傷兩耳脫落並治鼻落

耳中有物不出

壁虎入耳

蜈蚣入耳

螞蝗入耳

蚰蜒入耳

蛆虫入耳

飛蛾入耳

螞蟻入耳

諸虫入耳

水銀入耳

鼻部

鼻血不止

艾柏飲

口鼻流血

鼻忽縮入

鼻忽脫落

鼻孔爛穿

鼻内生虫

鼻中生瘡

鼻中生痔

鼻中肉塊 名曰息肉

鼻流清涕不止

鼻流臭水 名曰鼻淵
又名腦漏

鼻塞出水不聞香臭

鼻塞不通

各項鼻病

鼻中生毛晝夜可長一二尺漸粗如繩痛不可忍

鼻垂紅線痛甚欲死

鼻大如拳疼痛欲死

諸物入鼻脹痛不出

鼻外生瘡

鼻梁室癩

鼻準紅赤 名酒糟鼻

唇部

人中腫大

唇邊口角生紅白顆粒

嘴唇生瘡瘡內長齒

口唇腫黑痛癢不可忍

嘴唇四圍瘡如黃蠟

口角生瘡

口唇赤腫發癢或破爛流水

口角四圍乾燥時以舌舐口水滋潤紅腫難堪

口角流涎浸濕紅赤

口唇緊小

缺唇

唇破生瘡

唇邊生癢多年不愈

冬月唇乾血出

嘴唇陡然翻突形如猪嘴

口部

口生肉毬有根如線捻之其痛入心

口內上腭生癰

上腭生虫瘻不可忍

口舌生瘡

口臭難聞

夜卧口渴喉乾

口角流涎浸濕紅赤

舌部

舌脹滿口

凡中木瓜毒其舌亦腫脹滿口方見解救諸毒門

舌忽腫出口外

傷寒熱病後舌出不收

舌出口角時時搖動

舌忽縮入

舌上出血

舌頭潰爛

舌上生菌

舌硬生衣

舌下重生小舌

舌下細粒如豆

舌下生數尖或遍口生赤石如蓮花又如粟米

舌下腫痛

舌下痰包

小舌落下

小舌生紅泡

補斷舌法

齒部

牙齒疼痛

玉帶膏

竹葉膏

陰虛牙痛

陰虛邪火上蒸

風熱上蒸牙脹頭痛

風火牙痛

蟲牙作痛

牙根腐爛

名走馬牙疳

牙疼腿痛

名青腿牙疳

盤根牙癰

牙根腫痛

牙腮疼痛初起不紅不腫久則潰爛或有骨出

火鬱牙疼結核齦腫

牙縫出膿

牙縫出血

滿口牙齒出血

輕粉毒發齒縫出血

牙根齦肉漸長

齒長數寸

軟牙瘡

睡臥咬牙聲響

牙齒作酸

取痛牙法

牙齒稀疎

牙關緊閉

牙落復生

固齒良法

鬚部

烏鬚法

拔白換黑土膏

羊鬚瘡

下頰

下頰悅落

頸項

頸上生瘡大如櫻桃有五色者瘡破則頭皮斷

對口瘡

鯽魚膏

對口之上生瘡

頸項直硬不能轉側

閃頸促腰

咽喉

咽喉辨治

單雙喉蛾

風火上鬱頸腫喉痛

喉痺治法

外纏喉風

內纏喉風

鎖喉風

小兒鎖喉風

脚根喉風

咽喉腫痛痰如鋸聲

喉腫心痛閉目不語起首脈牙緊發謊手足麻木

喉閉作痛爛不收口

喉内生瘡鼻孔亦爛

喉瘡已破疼痛難食

飛絲入喉生瘡

喉癰

風火喉癰

喉內生肉重重疊疊腫起不痛多日方有臭氣透出

喉中結塊水食不通

喉中忽硬一塊如桂圓大吞吐不出不下

喉中生珠

喉中生瘤

喉間腫大又非癭瘤忽痛忽止外現五色按之半空

喉中結氣如梅核樣時有時無

老癆喉痛

穢濁上衝咽喉腫痛

喉中作癢

喉症各方

喉內戳傷飲食不下

驚嚇失言不語

忽然口不能言

咽喉聲啞

咽喉癢痛聲啞

咳嗽聲啞

增補專治咽喉腫痛

陰虛聲啞

喉外生癰

增補喉蛾方

[Faint bleed-through text from the reverse side of the page, including characters like '知', '中', '大', '入', '非', '樂', '欲', '息', '益', '主', '位', '取', '五', '也', '對', '之', '本', '空']

驗方新編卷之一

善化鮑相璈雲韶編輯

弟相璧白卿全校

頭部

偏正頭風

此症發時雖盛暑亦覺畏風痛不可忍用蕎麥粉炒熱加醋再炒乘
 熱敷上用布包緊勿令見風冷則隨換日夜不斷有人患頭風十年
 不愈照此治之其病若失愈後鼻流黃水數日從此斷根屢試神驗
 此治頭風第一方也並治尋常傷風頭痛惟氣虛及風火虫痛不效
 又方 生大烏頭去皮兩 南星泡壹兩 共為末每服貳錢用薄荷片七薑梅

個煎水臨睡調服雖二十年頭風亦效或用生南星生烏頭等分為末葱汁調貼太陽穴亦可

又方 用手揪按頭上有一處按着更酸痛者以硃筆記之用斑毛

一個去頭翅足研末安於所記痛處以小黃蛻壳或核桃殼蓋上用布紮好過

夜起一小泡以針刺出黃水其痛苦失曾治數人愈後多年不發

又方 硫黃一錢 川椒取紅色者去子為末三分 二味拌勻鎔成小餅左疼塞左

鼻清涕從右鼻出右疼塞右鼻正疼左右俱塞清涕流盡即愈神驗

又方 蕪撥末三錢入猪膽內候乾取出再用 真川芎 白芷

藁朮 真青黛 元胡索各一錢 為末水和為丸如蓮子大令病人仰

睡用一丸水化灌入鼻中覺藥味至喉微有酸氣令病人坐起口咬

銅錢一個口內有涎出盈盆即愈或加皂角末一錢亦可

又方 白芷二兩真川芎 甘草 川烏頭半生明天麻各一共為

末每服一錢食後服細茶薄荷湯下百藥不效者一服即愈神效

又方 白芷三錢 天麻 防風各一錢荆芥五分共研末前服此林屋

山人經驗方也 又方鳳尾草搗融加射香分拌勻敷顙門上甚效

又方 真蘄艾揉融為丸時時向鼻嗅之以黃水出盡為度

又方 都梁丸昔王定國病頭風至都梁求名醫楊介治之連進三

丸即時病去其方用 白芷酒洗為末蜜丸彈子大清茶或荆芥湯

化下食後服忌食各色魚

又方 明天麻 白芷為末蜜丸重二錢每服一丸先將荆芥一錢

細辛三分煎湯細嚼甚者不過一丸食後服忌食各色魚

又方生牛蒡子梗葉

無梗葉用根亦可

取自然汁二碗陳酒一碗食煎八

分共熬成膏搽之須極力搽熱乃效凡頭風抽掣作痛者用此必愈

又方到牛車處候牛下糞即將熱糞敷頭上用布包緊快走十里

如頭上癢更要快走不可停步亦不可擦動候癢止解下視之有無

數細白虫伏糞上即愈有人頭痛百藥不效後用此藥斷根此陝西

名醫傳青主方也

尋常感冒風寒頭痛

照上偏正頭風第一方治之

雷頭風痛

頭痛而起核塊或頭中如雷鳴者是也用 川芎 白芷 防風

羌活 天麻 甘菊 薄荷 甘草等味治之如不見效用 天麻

升麻各一錢 新荷葉一大張煎服或不省人事用 地膚子同生姜

搗爛熱酒冲服取汗即愈○又方用山羊糞炒枯研每服二錢酒送

下百藥不效者服此即愈此林屋山人經驗方也

熱痰頭痛

瓜蒌一個牛子四兩 共為末每用三錢食後酒冲服忌食動風發熱

之物

氣虛頭痛

春茶葉末水調成膏攤碗內覆轉用巴豆四十粒作兩次燒烟薰之

曝乾研細每服二分滾水冲下食後服又照前烏頭南星方最效

厥陰風火上衝頭痛

肝脈弦者是用消瘴救睛散見目治之神效無比肝脈不弦者不效

頭風目痛

製香附二兩藿香 甘草各二錢共為末每服二錢滾鹽湯下

終年頭似痛而非痛

此腎水不足而邪冲上作痛用 熟地 王竹各一兩 山茱肉 四錢真

山藥 元參 川芎 當歸各三錢 五味 麥冬各二錢 水煎服服後頭

痛更甚至重二劑斷根屢試如神藥味不可加減稍有加減則不效

有人患此數年百藥不愈二劑而安永不復發真奇方也

腦後作痛

此風入腎經所致用 熟地 五錢 真山藥 炒 雲苓 當歸 各二錢 炒芍

二錢 川芎 陳皮 炙草 各一錢 天麻 一錢 麻黃 三分 水煎服

頭腦鳴響

狀如虫蛀名天白蟻以春茶子為末 吹於鼻中 別樣茶子亦可惟打

取效如不見效即照頭風各方治之

又万 土茯苓煮猪肉食之神效前後忌茶十日

頭腦暈眩

暈眩雖然小症然而大病皆起於暈眩眼目一時昏花卒致猝倒而

不可救者也宜早治之用 台黨 半夏 各三錢 白朮 當歸 熟地

白芍各一兩 川芎

菜肉各伍錢

天麻一錢 陳皮五分 水煎服數劑見

效此方名防眩湯專治氣血之虛不治頭目之暈蓋氣血足則陰陽

和陰陽和則邪火散自不致於暈眩多服數劑受益無窮不可因一

二劑不能收功便棄而不用也

又方 白菓

二個去壳

生搗爛沖滾水空心服至重五服即安老年更效

婦人血風頭暈欲倒地不省人事

生蒼耳草嫩心陰乾為末每用一錢酒調服神驗

此物能通頂門故易奏效也

搖頭下血

此肝風甚也用

防風三兩

天花粉

黃芪

蜜炙

羌活

白芍

各伍錢

犀角

剉碎

甘草

各二錢五分

蛇脫

炙赤

鈎藤

麻黃

各一錢

共研末棗肉和

九梧子大薄荷湯下五七十九

腦漏

從腦頂一股酸氣由鼻孔流出黃水臭不可聞治法見鼻部鼻淵門

腎氣上攻頭頂不能轉動

大熟附子

二錢

川椒

二十粒

用麩

塞滿椒口內

生姜

七片

水煎

加鹽

少許服

頭面發熱有光彩他人手近之如火燒

蒸汗五錢酒調服吐出如虫即安

頭面腫大

此名大頭瘟自頸至頂腫成一桶咽喉閉塞治法見卷十五瘟疫門

頭上生瘡如蒲萄痛甚 參看卷十一蒲萄瘡方

此名鬚毛毒瘡用 黃柏一兩乳香二分共為末槐花煎濃汁調作

餅貼於瘡口並用 吳萸研末醋調敷兩足心即愈

頭頂結核如寡蛋響者

此命門火虧也用 寡蛋水酒煮老每食一二個酒送下服至數十

個自愈○又方用七製固脂丸見內外備用諸方每服三錢服至半月必愈

或治下頭頂白色腫塊治之必愈

頭頂生白色腫塊

小兒頭髮內生白色腫塊名瘡癩頭多有誤認跌腫漫不加意及至

高大作痛方延醫治庸醫以頭為首陽誤用寒涼解毒是以潰爛者

內膿復癢增出者不一殊未知此患色白其膿不紅乃陰寒虛弱之

症用小金丹初起三服而消已潰爛者服七丸而愈外貼陽和解凝

膏大人患之名曰髮疽服陽和湯自愈小金陽和各方均見陰疽門如愈後而復

發者用綠雲膏見癰毒諸方門貼之最為神效

頭頂生瘡或紅或白甚至紫黑色其人喉有痰涎或能言或不

不能言

此名劈腦疔瘡用一木鱉子焙枯存性三分加頂上梅花冰片三四厘

共為細末吹入喉內即吐出而瘡亦愈喉內無痰色不紅紫或先白

後紅者仍照前小金丹各方治之

髮中生癬如珠相染不已

此名火珠遲則難治急用生蘿蔔搗爛好醋泡透敷此林屋山人

經驗方也。○又內服地丁飲見疥瘡門一二劑外用菊花葉搗融調蜜敷

或用燕泥散見瘰癧通治門敷均效

小兒頭面胎毒

浮水石煨存性研末放碗內童便調勻用艾絨燒烟薰透以裏面均帶

黃色為止俟冷用麻油調敷雖十年不愈者敷三五日必愈神效無

比一切瘡毒年久不愈者皆可治

又方 白龍散 水牛屎晒乾燒枯存性燒太過不效搽患處即收水脫

痂而愈並治痘後餘毒。○又用桐油調輕粉塗之多年不愈者皆效

又方用米湯油洗淨取燕子窩泥用麻油調敷數日即愈米湯油即

米鍋水面濃汁也

頭面紅癩 名曰石癩

紫薇花牛茶 煮精猪肉食之可保一年不生

又方 洞天鮮草膏見癩毒 貼一日全消潰者貼之亦愈用 連翹

花粉 赤芍 銀花 甘草 車前 滑石 澤瀉各壹錢 煎溫服

即無熱毒之患男女大小暑天宜服此林屋山人秘方也

又方 苦蕒菜梗折斷有白汁出取汁搽之即消初起者最為神效

又方 大黃 遠志等分為末猪膽汁調搽極效

又方 黃柏 真川連 黃芩各等分研末醋調敷效

又方 菊花葉搗汁調白 用渣敷四圍留頭不敷俟毒水流盡即消

頭上軟櫛

軟癬愈而復發最難除根用

枳壳

一個鮮者更佳又名臭橘子無鮮者用乾枳壳蒸融攤冷用

剝去瓢以麵糊塗抹枳壳四圍合蓋癬上旁安一燈心以通膿水數

日自愈愈後並無疤痕○又方用舊船底陳石灰研末油調敷

又方 生半夏 生山藥各等分研末用葱頭搗敷此治初起甚效

又方 猪頭上毛

猫頭上毛

各一撮燒灰

惟鼠糞

一粒兩頭共若是一粒兩頭

共研末香

油調敷雖數年不愈亦效○又方 野芋頭磨醋敷

又方 五倍子

七個研末

麻油

四兩

熬至一半瀝盡渣搽四五遍即愈切

忌水洗

頭上生瘡乾而無膿

抱過雞蛋壳

名鳳凰窠

燒灰存性研極細麻油調搽

千層瘡

此瘡生在頭面好而復發生生不已故名千層俟破口時用 新鮮

橄欖核

無鮮者用鹽橄欖核以水煮去鹽味亦可

燒灰和雞蛋油

見瘰癧毒諸方

以鴨毛調敷

毛頭瘡又名腊梨頭

香黃散

松香

二兩為末入葱管內用線紮定水煮熟化去葱研末

黃丹

一兩水飛

無名異

一錢炒

宮

粉

一錢炒

輕粉

三分炒

共為細末香油調搽並治頭面黃水瘡俱極神效

又方

牛牙散

見瘰癧毒諸方

敷之生肌斷根神效之至

又方

白油膏

見腿脚腫瘡方

貼之雖多年不愈亦效

又方

先用刀將瘡刺破以

熟蕎麥將頭面上四圍高高敷之取

一雄雞宰殺以熱血灌人頭頂數日生肌而愈

落頭疽 俗名砍頭瘡

此疽生在腦後由小而大係屬陰症斷不可服寒涼等劑倘醫不得法即腐爛落頭而死大半係軍醫所侵即照卷十一陰疽各方治之並查看陰疽孽報見陰疽卷末為要

頭角太陽生瘡當日頭重如出二日即變青紫三日青至心胸而死

此症有因好服春方藥而生者有因食煎炒厚味而生者初起用金銀花二斤煎湯飲數十碗方可少解其毒然必潰爛再用元參各三兩當歸二兩甘草一兩水煎日服一劑七日始可收口又手脚指頭生瘡亦多不救亦可以此法治之

太陽出血

有人兩太陽陡起紅瘡用手抓破出血如線不止用瘦猪肉一厚

片貼之即止或用穿山甲尾上炒研細末敷亦止內服元麥地黃

湯見內外備用諸方即愈

髮癩

多生耳後髮下寸許按之不痛用針刺破擠盡粉髮用生肌藥敷之

自愈

髮落重生

黑脂麻梗柳樹枝各等分熬水洗頭髮易生而且潤婦人以此二

味泡油搽頭更妙小兒髮稀洗之亦生

又方

旱蓮草

又名黑頭果斗墨束

搗敷易生而多

又方

嫩棗樹皮一大把砍作尺餘長滿插淨磁瓶內勿令到底上

面以火燃之下面流汁水先用溫水洗頭後用棗汁擦之即生髮矣

髮易脫落

榧子三個

核桃二個又

側柏葉

一兩共搗泥泡雪水梳頭髮永不落

而且光潤

髮短而少

桑葉 麻葉用淘米水煮汁洗之洗至七次可長數寸

髮黃而赤

生柏葉一斤豬油和為丸如彈子大每日用一丸淘米水放開洗之

一月後色黑而潤

髮枯不潤

桑根白皮

柏葉各

宣木瓜

半斤泡油搽頭即潤男子煎水洗數

次亦黑潤也

少年白髮

拔去白髮以白蜜塗毛孔中即生黑髮如不見效取

梧桐子搗汁

塗上必黑如白多難拔用

乾柿餅

用茅香煮熱

枸杞子

酒泡焙乾

各三兩研

末為丸梧子大每服五十九丸茅香煎湯送下

烏鬚黑髮

草靈丹

見內外備用諸方

服之鬚髮可以轉黑神效無比

頭腦內癢漸至髮落

盧薈

苦練子

各一錢

為末吹入鼻內數次自愈

頭生白屑癢極難忍

藜蘆末煎湯洗頭半乾時再用藜蘆末搽上令入皮內用布紮緊數

日即愈○又方 桑枝燒灰淋水洗甚效

又方 王不留行

白芷

各三錢

研末乾摻

夜梳去即愈

治癩子神方

俗名髮鬚治好能長頭髮

有澄齋先生試驗傳出

先用米乾水加明礬花椒葱

頭煎湯燻洗又用黃牛門牙數枚醋泡炭火煨煉七次成炭研細末

加熟禁少許亦研末用柏油調搽幾次即愈十數年不發

治脚痔亦用此方效

治腦漏神方 一名鼻漏

白鵝翎毛三錢擦生漆絲棉一塊如無絲棉即揩漆布亦可二種
係問漆匠舖買將二味放於瓦上焙炮存性共研細末入冰片少許
令病人仰卧用筆管吹入不過三四次即愈此余患此症覓得之仙
方也用之除根病愈已三十矣

面部

面上生瘡

急尋有壳蝸牛一二條

查藥物備要便知

搗融攤紙上貼之即愈紙上留一

小孔出氣初起用之神效○又方用鹿角燒研猪膽調搽亦效

面上似疥非疥似癬非癬

若不急治延及遍身不救照上蝸牛方治之或照鹿角猪膽方更效
又方鶴鴉糞鴿子糞胡桃壳即核熬湯以絹帕濺湯熱擦即愈忌羊鵝
魚蝦等物一月

面上粉刺

又名酒刺由肺經血熱而生發於面鼻碎黍如粟色赤腫痛破出粉
汁用大黃 硫黃等分研末以涼水調敷內服清肺熱藥自愈

又方 輕粉 黃芩 白芷 白附子 防風銛 為末蜜丸每日

洗面時多擦數次臨睡時又重洗面而擦之三日消痕滅跡或用下
雀斑附子蛤粉方亦效

又方 紫參 丹參 黨參 苦參 沙參 各一 為末胡桃肉又名核

搗融為丸梧子大每服三十九丸茶送下

面上雀斑

其色或黃或黑碎點無數由火鬱血分風邪外搏而成用時珍玉容

散 猪牙皂角 紫背浮萍 青梅櫻桃 各一兩 鷹屎白 三錢或鷓鴣糞白亦可 共

研細末每早晚用少許在手心內水調濃擦面上良久以溫水洗面

至七八日後其斑皆去神效或用好玉時時擦之久則自退

又方 附子 蛤粉 茯苓 白芷 陀僧 山奈 各五錢 共為末用

蜜調搽面上次日洗去甚效並治酒刺 無與配

又方 蒼耳草用嫩葉尖和鹽少許搗爛五六月間日擦十餘次甚效

又方 紫背浮萍 漢防已煎水洗或晒乾為末搽之甚效

抓破面皮

橄欖核磨水搽之並無痕跡神效或用白糖搽之亦妙

又方 生姜自然汁調輕粉末搽之亦無痕跡

玉容粉 治雀斑酒刺肺風酒糟鼻面上一切斑點

菴豆一升 荷花瓣晒乾 滑石 白芷 白附子各五錢 上冰片 蜜陀

僧各二錢 共為細末早晚洗面擦之

面生縐紋

大母猪蹄四個 洗淨 煮成膏 即時搽面上 次早洗去 半月後即不縐矣

冬天面唇縐破

熱猪油夜敷之

面上黑氣

半夏焙研米醋調敷不可見風自早至晚不計次三日後用皂角煎湯洗下即白。又方 天門冬和蜜搗爛為丸日日洗面即白

面黑皮厚

羊脛骨末雞蛋清調每夜敷早以淘米水洗去十日後面白皮嫩神效。又方 冬瓜一個竹刀去皮切片酒水各半煮爛漚渣熬成膏夜夜擦之次早洗去

洗面光彩

西瓜子仁五兩 桃花四兩 白楊柳皮二兩為末食後米湯調服一匙一日三服一月面白五十日手足俱白無白楊皮或用橘皮亦可

又方 輕粉 滑石水飛淨 杏仁去皮取霜 各等分為末蒸過加 冰片少

許用雞蛋清去黃調勻洗面敷之一月後色如紅玉

又方 頂上金色蜜陀僧一兩研極細末用人乳或蜜調如薄漿糊

每夜畧蒸待熱敷面次早洗去半月後面光如鏡

又方 冬桑葉煎濃汁收貯冬月早晨用一酒杯攪入水內洗面光

滑如鏡面亦不凍

腮邊酸痛發腫

腮內酸痛名遮腮用洞天鮮草嫩膏敷上次日即愈若病後兩腮發

腫不作酸痛者名發頤用 天麻 白芷 防風 荊芥各一錢 送服

醒消丸三錢而愈此林屋山人方也 洞天醒消各方均見癘毒諸方門

腮映穿爛

腮邊穿一小眼時發時愈名曰漏腮內服荆防敗毒散

見內外備外川諸方

用夜合花樹皮煎水洗並用夜合樹皮搗融敷再用夜合花根煎濃湯時含口內有人患此十年不愈照此治之收口斷根

兩腮赤腫

俗名撐耳風又名疔腮用燈火

燈心一根點油燒之

在大指二指之下手背微

窩處燒一下

左腮燒右手右腮燒左手

半日即消神效或燒

少商穴白鼻部鼻血第一方便知更妙

又方皂角

二兩生南星二錢糯米一合共為末薑汁調敷立效

又方輕者用靛花或磨鹿角搽重者用

大黃 白芨 五倍子

共為末雞蛋清調搽○又用丝瓜

又名水瓜燒存性

研末調水搽之

又方 醋調陳石灰敷之

小兒腮腫內有硬核

見小兒科雜治門

眉部

眉上生瘡

肥皂燒有性枯礬要燒透各等分為末麻油調塗先用白礬泡水洗淨

又方 分別色之紅白照癰毒陰疽各方治之

眉爛毛脫

此肝經受風所致用 側柏葉去梗九蒸九晒磨末蜜九梧子大每

早晚服一錢開水送下以愈為度外用兔絲子研末麻油調塗或茅

屋上舊草燒灰麻油調搽亦可

眉毛不生

黑脂麻花陰乾為末以黑脂麻油泡之日搽數次自生

又方 桑葉七片日日洗之一月復生如舊鬚落亦然

又方 旋覆花 天麻 防風各一錢 共研末麻油調敷

又方 雄黃末一兩好醋調搽即生

又方 生旱蓮草又名墨頭墨子墨東搗敷數日即生

眉毛搖動晝夜不睡喚之不應但能飲食

大蒜二兩搗汁兌酒飲自愈

洗眼仙丹

此方得自仙傳凡患肝虛目疾雖雙目不見洗至年餘復明平日宜
養心息氣切忌怒惱洗眼方多藥與洗期各有不同惟此方與後方
治愈數百人神效非常不可輕視 青皮五錢乾者色微青黑方是
微紅者係陳皮洗之不效
煎水每逢洗期誠心齋戒早中晚三時先薰後洗日期列後

正月初三 二月初四 三月初四 四月初九 五月初六
六月初四 七月初三 八月初九 九月初十 十月初二
十一月初八 十二月二十四 閏月同期

又方

此方亦由神授專治腎虧目疾業已治愈多人雖雙目不見亦可復

明與前方藥料洗期雖有不同而神效則一如照前方洗有一年尚無功效者即是腎虛照此方洗至年餘必有奇效屢試如神 皮硝伍錢淨水二鍾煎成一鍾每逢洗期早中晚三時誠心齋戒先薰後洗日期列後

正月初三 二月初一 三月初三 四月初四 五月初五

六月初四 七月初三 八月初五 九月十二 十月十三

十一月十四 十二月十二 閏月初二十六兩日

雙目不明

後有增補瞽目神方凡雙目不見青光瞎眼睡人反背皆治

黑豆

一百粒

黃菊花 五朶皮硝 六錢水 一鍾煎七分帶熱薰洗五日換

藥再洗一年後可以復明平日忌茶並戒惱怒

又方 雞膽一個入蜜半匙以線紮住再入猪膽內弔房簷下通風
不見日處二十一日去猪膽留雞膽先以人乳點患處潤之少刻用
骨簪蘸雞膽點上遍身透涼流淚出汗二三次即明忌茶百日可將
霜降後桑葉煎湯代茶並戒怒惱

青光瞎眼

人望如好眼自覺不見者是白羊子肝

一副竹刀切片

黃連

一兩研末

熟地黃

二兩

同搗為丸梧子大食遠茶服七十九日三服

按崔承元病內障喪明有人以此方報德服之

明又方 兔絲子

補骨脂

巴戟

川牛膝

枸杞

肉蓯蓉各

兩共為末加

青塩二錢用猪腰子一個切開半邊去筋膜入前藥

末一錢將線紮緊用陳酒蘸溫燒熟食之初起最效

兩目忽然不見

取地上三尺下黃土攪水澄清洗之此葛仙肘後方也

瞳人反背 若眼珠已有白點便不驗

蜜蒙花 蟬蛻 白谷 郁李仁 石膏 石決明 生草決明

谷精草 甘草 白礬 各四錢 百部 二錢 珍珠 四分另為末 以上共為末分

兩不可加減和猪瘦肉二兩搗爛煮服即時發冷者其光必轉若光

未盡轉再服一劑必愈愈後宜服鎮精丹一二劑○鎮精丹 石膏

蟬蛻 梔子 槐花 白菊花 各一錢 生地 蒙花 各二錢 草決明 一錢

五分 甘草 五分 煎服

小兒瞳人不正

小兒因跌打損傷頭腦受驚以致瞳人不正觀東則見西觀西則見

東用

石楠葉

有雌雄兩種若得一兩
雌石楠葉更佳

一兩

甜瓜蒂七個藜蘆三分共

研末吹少許入鼻孔通頂為度日吹三次並請名醫內服牛黃定驚

平肝等藥自愈

兩目夜不見物

俗名雞矇眼此肝虛也黃蠟不拘多少溶汁取出入蛤粉相和得宜

每用二錢以猪肝

羊肝更妙

二兩批開摻藥在內麻繩紮定水一碗同入

銅器內煮熟取出乘熱薰眼候溫連肝食之日服兩次以愈為度其

效如神○又方羊肝二兩煮熟點鍋底烟食二三次即愈鍋底烟

以燒草者為佳燒煤炭者斷不可用

風火眼痛

凡兩目腫脹赤甚痛甚作癢多淚畏日畏風容易惹人鼻塞腦昏諸病皆是後列各方治之必愈但洗眼時務在帳內方可避風即帳內脫衣揭被亦有風動俱宜留意若不謹避則不效也

吹鼻散

鵝不食草

五錢晒乾查藥物備要便知

真青黛

川芎

各一兩

共為細末將藥少許

嚙入鼻中

或新白布泡水蘸藥入鼻中可

口含溫水以淚出為度數次必愈兼散目

中星翳

○又方

每日望井中週圍三遍能去火氣

又方 黃丹和白蜜調敷太陽穴立效

又方 輕白蘆甘石

以能浮水者為佳用童便泡一日夜越久越好炭火內燒紅再泡一日再燒一次用一錢許

淨礪硃五分 大硃砂四分 真珠三分 牙色梅花冰片 輕乳香查藥物備

要便 薄荷末各二分 共為極細末 研至無聲 放舌上無渣 方可用清

水以骨簪蘸藥少許點眼 治風火腫爛一切神效

又方 脂麻 威靈仙 何首烏 苦參 甘草 石菖蒲各三錢 共

為細末 每服三錢 黃酒下 此係武當山石刻神方 神效無比兼治瘧風目疾

又方 苦參一錢五分 五倍子 一錢 明礬 薄荷 荊芥穗各三分 煎水臨

睡時用綢絹輕輕避風洗之神效之至

又方 黑棗一枚 胆礬即綠凡黃豆大一塊 黃柏 三分 水蒸透 溫洗四五次 冷

則再蒸 或加銅棗 生姜汁少許 立試立驗

又方 川連 防風 白菊花 歸尾各一錢 甘草 銅棗各五分 膽礬

三分

杏仁七個去皮尖打碎

泡水蒸熱照前法洗之甚效

肝熱目痛

龍胆草一味用瓦器熬成膏點入眼內瞽日俱能點去雲翳不可以平淡而忽之也

又方 夏枯草

二兩炒

香附

二兩醋炒

生甘草

四錢炒

共為末每服

一錢半分

清茶

調下數日即愈屢試如神夜間痛甚者更效此觀音夢授方也

腎虛目痛

四神丸

甘州枸杞

上好新者一斤

用好酒浸一夜分作四起一起以川

椒二兩拌微炒一起以小茴香拌炒一起以黑脂麻拌炒以上三起

去拌者不用一起以淨青鹽二兩研末拌炒鹽即入藥外加 當歸

頭 生地 白菊花 白朮 白茯苓各四兩 共為末每於午飯後開

水服三四錢久則目如童子屢試如神百無一失

目昏多淚

生地 熟地 川椒去子閉口者不用 各等分為末蜜丸梧子大每服五十

丸鹽米湯空心下兩月後目如童子此呂仙方也

通治目疾諸方

珊瑚紫金膏

白蘆甘石 一兩以能浮水者為佳用童便浸七日用炭火銀硃鍋內煨紅再入童便內浸十日曬乾 硃砂細末 黃丹一兩

液水飛過三次 乳香 沒藥各二錢俱入砂鍋內加燈心 海蝶四兩

二錢刮去皮下微 真白礬砂 二錢 青鹽 射香各五分 頭上牙色梅蕊

火炙過研細末

冰片 三分 以上均研成細末合一處乳鉢研極細然後入射香冰片
三味拌勻再研極細 渣方可用 用蜂蜜熬成珠先用絹袋瀝淨蜜渣
夏老冬嫩春秋酌看老嫩之間將藥末調入蜜內用磁罐封固以蠟
封口不可洩氣此方治七十二種眼疾屢用如神雖十年不愈者亦
效惟瞳人反背而驚散者不效

天賜膏

點眼目障翳兖州朱秀才忽不見物朝夕祈禱夢仙人張三丰傳授
此方 好燭硝 一兩 銅器鎔化入 飛黃丹 二分 頂上梅花冰片 二分

銅篸攪勻入磁瓶收之以蠟封口勿令洩氣每點少許其效如神

又方 治目疾紅痛日久不愈

麩仁

選白淨者去壳研細
去淨油不淨不效

調白蜜

用骨簪點眼內角即能退紅止痛效驗之至

又方 治目疾時發時愈

不見水羊肝

四兩忌
鐵器

搗極融爛開水沖

服連服數次可保十年不發屢試其效

又方 治目赤腫痛數日不能開者

生姜一塊洗淨去皮用古銅

錢刮汁點之初點頗痛點後即愈

又方 治目赤腫痛

用自已小便乘熱綢帕輕輕蘸洗即閉目少

頃此以真氣而退肝熱之法也小便頭尾不用

又方 老能夜書

每年九月二十三日用桑葉煎水洗目一次至

老永不昏暗且夜能細書其妙無窮桑葉須五月五日六月六日立

冬日採者為佳同黑脂麻等分蜜丸名為扶桑丸能除風濕烏鬚

明目

兩目晝夜不閉

一婦因受驚嚇兩目晝夜不合用 郁李三棧酒煮飲之盡醉即愈

神效非當

小兒疳積瞎眼生翳

草決明

四兩晒乾見火研細末

生雞肝不落者將雞肝搗爛和決明末三棧研勻

加酒飯上蒸服如腹脹如鼓加 蕪荑末一棧目翳腹大加雞內金

更妙○又方 火硝一兩硃砂三棧共為末每用四分不落水生雞

肝一個剖開入藥扎定酒蒸熟空心服輕者一料重者二三料翳膜

推去半邊而愈○又方 小兒科疳疾門內有消疳無價散服之最

妙雖眼瞎亦可復明

珠目翳眼

蛇蛻全者壹條馬庇勃壹兩皂角子十四枚共入磁罐內鹽泥封固燒

紅勿令出氣候冷存性出火氣研末每服三錢滾開水調下神效

眼生蘿蔔花

大蘿蔔壹個剝空入生雞蛋白一個包好種土內待開花結子後取

雞蛋白研細加白蘆甘石以浮水者為佳照前紫金膏製法用一錢真熊胆五分頂上

牙色梅花冰片五厘共為末調蜜點眼一日一次七日全愈神效

眼生星

白鹽少許燈心蘸點三五次不痛不礙累用有效或用葶藶搥碎

取汁成粉去渣取粉點之甚效如不見效即照風火眼痛內吹鼻散

及前後治雲翳各方治之無不愈也

目中努肉紅筋白膜雲翳諸症

消障救睛散

石蠅

生研細

連翹

各一錢

羚羊角

草決明

防己

芫蔚子

白蒺藜

各一錢

龍胆草

酒沙木

賊草

各五分

甘菊

八分水

二鍾

煎八分食遠服此方能消努肉及一切紅筋白膜雲翳等眼症立見

功效百無一失並治厥陰風火上衝頭痛此王晉三所選秘方也體

虛者勿服○又方用老麻雀糞又名鉢中研細以甘草水泡一夜去

水與渣焙乾和初生男孩乳用燈心點之即效男用雄麻雀糞尖而豎立者是

女用雌麻雀糞圓而倒者是

又方 韭菜根洗淨用橘葉外裹男左女右塞鼻中過夜即愈屢試

神效○又方 蕤仁二錢選白淨者去淨油 青鹽一錢猪胰子一兩共搗融爛用骨簪點入甚效○又方 青萍少許研爛入頂上梅花冰片少許點眼皮上過夜漸散

眼中急起努肉

此症不過半日即遮白眼一日即遮黑眼用一刃上鉄銹滴涼水少許用筷子頭磨起銹水點患處頻點頻開

目中生管此即努肉之類以上各方可治

用生白蜜塗目仰卧半日洗去每日一次自愈

又方 櫻桃三個去骨炒研為末紙捲條燒薰之即消

眼生紅子

有人白眼珠上生一紅顆頃刻頭面皆腫用真熊胆二粒開水調服
立刻平復

目中流血

用四物湯加 龍胆草減半煎服即愈 又一婦眼中血出如射或

沿鼻流下月經不行乃陰虛相火妄動之症用 當歸酒炒生地酒炒

酒芍 黃連炒黃柏炒知母炒條芩炒木通 側柏葉 柴胡 桃

仁去皮紅花各一錢水煎食前服次日即愈

眼中如有虫行癢不可忍

羌活 枯礬 硼砂 共研細方入口無渣口水調如米大時將一丸

納入眼中少頃囊湯洗下

眼内生虫

紅棗去核用黑礬填滿棗內入炭火內煨過研為細末再用朴硝放砂鍋內熬煉滴水成珠取出候冷不必研末用棗礬末一二錢朴硝五六分一併和勻開水對沖露一夜洗之三五次即愈

眼邊生虫

覆盆子葉

一錢為末

乾姜

燒灰

生礬

各五厘

枯礬

一分

共研

細密

調用

絹片

做

膏藥貼眼上一夜揭起蟲自粘在絹上次晚又將肥猪肉切片貼眼上一夜即愈或照後銅綠方更妙

眼邊濕爛紅腫

名爛弦風眼用

川連四五分銅刀切成米粒大先以茶盅盛斷艾

緘約半盞許上以薄皮紙封盞口先將其紙用針刺多孔將黃連鋪
勻紙上用香火將艾燃引上用一盞蓋住約俟艾烟燼時方揭去蓋
住之盞取黃連十餘粒滴清水二三茶匙於飯上蒸過用鴨翎掃搽
患處三日除根如不見效照後銅綠方治之無不愈也

又方

鮮色銅綠

三錢研末

以生蜜濃調塗粗碗內用艾葉燒烟將碗覆

艾烟上薰之須薰至銅綠焦黑為度取起冷定以人乳調勻飯上蒸
過搽之諸藥不效者用此如神百無一失並治痘後風眼

眼漏流膿

龍胆草

當歸

各一錢

為末温酒下

又方

將目閉住用熱牛糞敷一日數次數日即愈

小兒開睛

黑眼珠呆而不動者是用 真西牛黃五分 白附子 泡肉桂 全蝎

炒川芎

石膏各一錢

白芷

藿香

共研末蜜為丸芡實大每服

一二丸薄荷湯下

眼邊忽然紅腫發癢名偷針眼

背上膏肓穴處

第三節骨兩旁是

有紅點用針挑破即愈如不用針挑用燈

心一燒即愈如不見點用大梳背頻頻刮之紅點自現出也

又方 用蛇退皮貼之立愈○又方 白芨磨水點之亦效

眼皮翻出

石膏

五錢

梔仁一兩 甘草三兩

豨薟草

四兩酒蒸晒乾

防風

二兩酒拌微炒

共研細

末體壯者每服二錢弱者一錢小兒減半白滾水送下

白眼珠忽然盡黑毛髮堅如鉄能飲食而不能言其形如醉

此血潰症也用五靈脂二錢研末酒冲服

眼泡生珠生蕒音都堅凝不痛

黃丹五分鯉魚胆汁和如膏點三五次自消

又方藥線見瘡毒方纏之即落○又方取過江蜘蛛絲纏之即落

凡蜘蛛牽絲搭過屋者謂之過江○又方櫻桃核磨水搽之自消

眼胞痰核

此症生眼胞皮裏肉外大者如棗小者如豆推之移動皮色如常硬

腫不痛宜服化堅一陳丸見瘡毒諸方外用生南星和醋磨濃汁時

時搽之淺者數日即消深者多搽數日微微用指甲擠出白粉即愈

眼珠無故湧出垂下大便下血亦有不便血者

名曰肝張差活煎濃湯乘熱先薰後服即入或用菴活燒烟薰更妙

又方 新井水洗眼數次即入

又方 防風 黃芩 白芷 川芎 蒼朮 細辛 生地 甘草

生薑 棗子 葱白 水煎服仰卧片時眼珠自然流下

眼珠暴出

潘羊薺 威靈仙名一錢 水煎服

眼珠縮入

老姜燒熱敷眉心即愈

眼珠傷損

凡眼珠打出或觸傷腫痛或火泡冲傷用 南瓜瓢搗爛厚敷外用

布包好勿動漸次腫消痛定乾則再換如瞳人未破仍能視物瓜以

愈老愈佳如無南瓜用野三七葉敷或用生地黃浸酒搗敷亦可

比人呼為倭瓜 又方 用牛口涎日點二次避風即愈忌酒並各熱物

又方 如火藥冲眼欲瞎者急用熱小便頻洗即愈或用野三七葉

搗融敷更妙忌酒並熱物。又方 如眼珠受傷突出趕急揉進用

生猪肉一片當歸 赤石脂末少許搽肉上貼之即愈

又方 眼目打傷青腫以 生半夏為末水調塗之即愈

眼被傷損不開

用前風火眼痛吹鼻散每日吹數次其目自開

箭頭入目

寒食錫糖

即寒食所做半糖無則亦可論何日所做米糖亦可

點入符其發癢一投即出

蟾酥入目

紫草取汁點之即消

泥沙入目

頂粗牛膝一段約二寸長本人自行嚼爛如泥吐出搓丸塞於兩眼角其淚流必多少刻泥沙裏藥盡出其目隨愈左眼以牛膝口內右嚼右眼左嚼雖腫痛欲瞎無不立效屢試如神

塵芒入目

生藕汁滴之自出

飛絲入目

好墨磨濃用新筆蘸墨點眼角內閉目片刻其絲自然成塊用手輕抹即出雜物入目亦可治並可散翳奇效之至

又方 凡諸藥不效赤腫痛甚者以滾水一杯入食鹽少許 明礬

三錢將舌尖浸入水中片刻其絲自落水中而愈

又方 火麻仁 一合搗碎并水一碗泡 半刻攪勻將舌浸水中涎沫自出神效

雜物入目

左手指甲以刀刮細末燈草蘸點一二次甚效如不能出即用好墨

磨濃點之亦效

眼瞳成漏

凡眼下空處生瘡出膿流水不乾日久成漏諸藥不應者以柿餅
去皮取肉搗爛塗之十日全愈

拳毛倒睫眼毛顛倒捲縮刺目者是

木鱉子一個為末綿裹鼻中左眼塞右右眼塞左一二夜即愈切勿

可將毛拔去拔後重出毛硬而再拳將為終身之累

又方冬天壁上乾蒼蠅研末時向鼻內嗅之立愈

又方五倍子為末蜜調敷眼皮上其睫自起

眼中常見異樣禽虫飛走

薏仁 青蒿子花却草決 元明粉各一 共研末每用二錢滾水冲服

明花

三次自愈

增補瞽目神方

一婦雙目不見夢觀音大士云唸誦能伏災風火二語誦至百遍即

愈試之雙目復明蓋此婦平日記大士最虔故神靈默佑而愈後有

人雙目不見初誦數千遍不效嗣後虔心齋戒誦至數月雙目亦明

耳部

兩耳聾閉

活鯉魚一尾將脂髓取出飯上蒸出油滴入耳內自然竅開再用

固脂一兩先用淘米水泡一夜晒乾再用食鹽二錢加水泡一夜晒乾黑芝麻一斤

燒酒二斤童便一兩共煮乾取出晒極乾炒香取故紙研末不用芝

蘇以陳米醋為丸菜豆大每服二錢用杜仲炒去紫知母各一煎湯

送下甚效或服七製固脂丸更妙見內外備用諸方

又方 活鼠一隻破解取胆真紅色者是也用 川烏頭一個去皮泥

細辛二錢胆礬一錢五分共為末以鼠胆和勻焙乾研細入 射香一分

吹入耳中口含茶水日二次十日見效雖久聾亦愈

又方用煉成雞油五錢上桂二錢野葛三分以文火煎三沸去渣每

用少許滴入耳中如此十日內有耳結自出者雖多年耳聾可愈

又方 驢前脚脛骨打破向日中瀝出骨髓以磁盒盛收每用綿點

少許入耳內側卧候藥行到其髓不可多用以白色者為上黃色不

用輕者一二次重者四五次便愈

又方 甘草 生地研極細末胭脂包三分日間塞耳以甘遂草烏

研極細末棉花包三分晚間塞耳甚效○又方 北細辛末一錢將

黃蠟溶化為丸如鼠糞大以棉裹塞耳一二次即愈切戒惱怒

又方真麝香一二分拊包塞入一日後耳中如雷響即通屢試神效

腎虛耳聾聲響如風水鳴如鐘磬聲

白毛烏骨雄雞一隻甜酒四觔煮食三五隻神效○又方 真川椒

用巴豆菖蒲同研細以松香黃蠟為丸塞耳一日一換初起者數日

即通神效○又方 黃柏用人乳泡透炒枯研細末以黃酒打麩糊

丸桐子大每服七八十九開水送下

又方 真磁石一大豆穿山甲燒研二分用棉包裏塞耳中口含生鉄

一塊耳中如風雨聲即通

耳中時聞螞蟻戰鬪之聲時開時閉

此腎水虧極兼怒氣傷肝所致用柴胡 梔子 白芥子 各三熟

地 白芍 菜肉 各三兩 麥冬 一兩 水煎服方中純是補腎平肝之聖

藥飲之數日其聲漸息服至一月而愈

耳閉不通又作痛

大田螺一個撥開蓋入麝香五分自化成水滴入

又方 每日平明以大指食指捏住鼻孔勿令泄氣咬牙努目口唇

閉緊使氣俱入耳竅悶極放手時時行之久則自效如神

少壯病後耳閉

南棗半斤 桂圓四兩 葱半斤此後下 煎服三五次 自通忌鹽數日

風不之鬱耳張欲閉

連翹二錢 羚羊角 薄荷梗 苦丁茶 夏枯草 生香附各一錢 黑

梔皮一錢五分 水煎服

胆火上鬱頭重耳脹目微赤

連翹 牛子各二錢 羚羊角 薄荷梗 桑皮各一錢 丹皮一錢五分 水煎服

耳鳴耳癢

生烏頭一個 乘濕削如棗核 大塞耳日換數次 週三五日便愈 不然

久則成聾

耳疳震耳纏耳停耳風耳

各症俱係耳內悶腫出膿但膿色不一而名各異耳疔則出黑色臭

膿震耳則出青膿纏耳則出白膿停耳則出黃膿俱由胃濕與肝火

相兼而成惟風耳則出紅膿偏於肝經血熱俱宜用醬茄不宜白

然油滴之俟膿浮出再用核桃仁俗名胡桃研細搗油去渣每法一分兌

水片二分用少許滴耳內自愈風耳內服四物湯加丹皮石菖

蒲餘症內服清肺瀉肝諸藥○又方新鮮白鯊魚腦中枕骨燒

紅候冷每兩加冰片一錢共研細如灰麪先用棉花絞淨膿吹藥

二三次即愈此林屋山人經驗方也

又方用番木鱉磨水滴耳內即愈

又方大人小兒耳內生疔出毒之後膿水久不乾或傷水濕在底

停耳成膿臭穢之水時流出者用小麥粉以醋煎滾打如漿糊晚上
搽於耳之前後留出耳上不搽以紙一張裂縫套耳蓋之免污枕被
次早洗去晚上再搽不過三五次膿乾痊愈此法屢試屢驗

又方 青魚胆和冰片滴之即愈○又方 蛇退燒 少許吹入極

效耳內如有虫奔走或流血水或乾痛難忍用之俱效

又方 桑螵蛸一箇燒存性 射香一分摻入神效有膿先絞淨

又方 把過雞蛋殼內白皮炒黃研末香油調灌耳內痛即止

又方 胭脂 枯礬 鐵銹各等分為末吹之立效

又方 虫蛀竹灰加射香少許吹入極效○又鱈魚血滴入神效

又方 用頭髮瓦上燒存性研細末每一錢加冰片七厘吹少許入耳甚效

又方 白礬煨研入麝香少許綿裹塞耳中

耳內膿血腫痛有虛有熱其症不一甚至痛不可忍夜難安枕

用以上各方如不見效再用韭菜自然汁灌入百發百中其效如神

耳內膿血不乾

耳榴花片瓦上焙枯研末加冰片少許吹入三四次即愈其痂不必挖動

聽其自落為妙或用龍骨研末吹入亦可

耳內有虫膿血不止

雞蛋一個香油炒猪肝四五錢香油炒黑脂一斤炒研同搗融微火

烘暖布裹貼耳外血虫出盡即愈

耳痔耳聾耳挺

耳疔形如櫻桃或如羊奶耳豈形類初生磨菰頭大蒂小耳挺形如棗核細條而長弩出耳外俱由肝經怒火腎經相火胃經積火凝結而成微腫悶痛色紅皮破觸之痛引頭頂用 礪砂一錢輕粉 雄

黃絡三 冰片五厘研細末水調濃用谷草細梗咬毛蘸點患處並用

梔子 川芎 熟石膏 當歸 牛子 柴胡 酒芍 丹皮

甘草各二錢 黃芩 黃連各五分 水煎食後服自愈

耳内生疔

耳内生子痛如錐刺牽引腮腦亦痛破流血水人多作耳痛治之不

知乃耳疔也急服 蟾酥丸見癰毒諸方 取其發汗再用 蟾酥丸水調

濃汁滴耳內並服 黃連消毒散見癰毒諸方 立愈或照疔瘡各方治之

亦可

耳内生粒如棉花子大極痛名耳疔

人指甲瓦上焙枯存性研末加牙色梅花冰片少許吹入極效

耳內有核痛不可忍

燒酒滴入側臥半時即可箝出如不見效即照前耳疔耳痔各方治

之

耳內如有虫走或血水流出或乾痛難忍

蛇退皮燒存性研末吹之立愈此經驗秘方也

耳內耳外生瘡

蚯蚓糞為末吹入或用麻油調搽

又方 黃柏五錢馬齒莧一兩為末敷之

耳外濕瘡

雞腰膏

見瘡毒諸方

敷之其效如神

又方

黃丹一錢松香八分輕粉一分枯礬一分共為細末香油調

擦效

又方

枯礬 輕粉 貝母 銀硃共研勻麻油調塗甚效

耳後銳毒

患發耳後又名耳後瘡宜別陽實陰虛治無一錯患色白者以陽和丸與二陳湯同煎服或以小金丹服消色如紅者醒消丸服消諸書不拘紅白概以元參牛蒡等藥治之即色紅者尚服不消倘色白者

更遭其害矣南濠葉姓耳下並患惡核一被醫穿生管一大如盃以陽和小金輪服未潰者全消此林屋山人秘法也

又方 南星性燒存為末醋調敷三次即愈不愈即用前方無不效也

陽和諸方見癰毒陰疽各門

耳下生瘡

有人耳下生瘡其大如桃時出膿血數年不愈後用鉛粉摻之二日

收功

耳被挖傷

金頭蜈蚣一條瓦上焙存性研末吹入立效

又方 青魚胆一個紅花一錢元參生地各二錢蒸出濃汁灌入耳

內即愈

又方 冰片 胭脂燒灰 牡礪煨粉 共為細末 用骨簪點香油蘸藥末入耳內即愈

兩耳脫落並治鼻落

用人髮入瓦罐以鹽泥封固煨過為末急以所傷耳鼻蘸藥安放舊處再用老姜嚼融四圍厚敷用綢捆定自安

耳中有物不出

用弓弦或麻繩將一頭搓散用好魚鱠粘着放耳內其物徐徐引出

壁虎入耳

雞冠血滴入即出

蜈蚣入耳

生姜汁或韭菜汁灌入即出

又方 炒肉放耳邊聞香自出烹雞更妙

螞蝗入耳

取田中泥放耳邊自出

蚰蜒入耳

生半夏末以麻油調塗耳門虫聞香自出

又方 香油和雞冠血滴入即出或用水調綠礬灌入即出

又方 白洋糖又名白糖熟水調濃汁滴耳內蚰蜒化為水

又方 羊乳滴入亦化為水流

蛆虫入耳

用杏仁搗如泥取油滴入耳中非出則死

又方 皂礬摻之即化為水

飛蛾入耳

用銅器向耳邊敲打自出

又方 螞蟻入耳

用手將耳扯動即出

又方 白穿山甲燒灰研末調水灌入即出

諸虫入耳

不可驚動用手緊閉耳鼻閉口不言虫入之耳不閉少頃自出或用

好醋麻油韭汁葱汁姜汁此數種隨便而灌耳中其虫亦少頃即出神效之至

又方白雞冠血滴耳中立出

又方川椒末醋浸良久取汁灌耳中行二十四步虫自出

又方桃葉作枕枕之虫自鼻出或火熨桃葉捲之取塞耳立出

又方如蠅蚊小虫用麻油數點滴入耳中虫即死取出即瘥

又方如在夜間暗入者切勿驚惶響叫逼虫內攻宜端坐點燈光

向耳竅其虫見光自出若有人在傍其虫不出人皆避開方妙

水銀入耳

照解救諸毒門水銀毒方治之

鼻部

鼻血不止

用燈火

以燈心一莖
點清油燒之

在少商穴燒一下立止穴在兩手大指內外甲

縫之中不上不下即是左流燒左手右流燒右手雙流雙燒有人鼻
血三日不止口內亦流百方不效勢甚危急用此立止止後半刻復
流仍在原處燒之而止如原處起泡刺破燒之止後照後艾柏飲服
之方免復發鼻衄方多惟此方百發百中誠救急簡便第一方也

艾柏飲

艾葉

柏子仁

去淨油

山萸肉

丹皮

各壹錢半

大生地

叁錢

白蓮肉

去心真

山藥

各壹錢

澤瀉

壹錢

生荷葉

一張乾

水煎服無論虛實至重不過二

三服永不再發屢試如神萬無一失前方雖效只可救急不能斷根此方可杜絕源流亦治鼻血湯藥第一方也

又方 四生丸

生地葉

無則用生地
搗汁亦可

生艾葉

生荷葉

乾者
不效

生扁

柏葉

各等
分

共搗為丸每服三錢有人傷寒病後鼻血三日不止百

藥不靈服此立愈屢試如神亦奇方也

又方 用多年尿壺火上烘熱向鼻薰之立止如神百發百中

又方 用線扎緊手中指第二骨節灣屈之處即止左流扎右左流

扎左雙流雙扎極效

又方 急將本人頭髮解開放涼水盆中良久即止仍服涼血清血

之藥至神至奇髮浸水中不可太久心內覺有涼氣即止久則恐

生別病

又方 青苔放顛門上將顛門向壁頂住立止如神或取本人鼻血以紙燃蘸血點眼角血從左鼻流者點右眼從右鼻流者點左眼雙流雙點甚妙 又方 葦菜搗汁蒸微溫服其效無比

又方 鳳頭白鴨蒸食數隻斷根極效此鴨出廣東順德縣廣西義甯北流兩縣又真高麗參嚼食忌蒸煎食至數兩斷根神效

口鼻流血

此亦因鼻血過多以致從口而出照前第一方治之若係婦人恐係月經閉塞須查婦人科治之

鼻忽縮入

明雄 淨硃砂各參錢 用蒼朮煎水調服並將煎過蒼朮搗爛敷鼻上

過夜即愈

鼻忽脫落

治法見耳部兩耳脫落方

鼻孔爛穿

此名鼻疳用鹿角剉碎 枯礬各壹兩 頭髮伍錢燈 共研為末先用花椒

水洗淨敷藥或用牛牙散見瘡毒通治門 白油膏見根 更為神妙

又方 杏仁去皮尖研細末 用紙壓去油以成白粉為度每杏仁粉貳分對

真輕粉壹錢 和勻吹入

又方 五倍子燒灰存性研末以黃蠟與猪油和勻敷之

鼻内生蟲

金剛藤上疣瘡

音隔

數個交雞蛋一枚煮熟將蛋去壳再煮良久先

將藥確向鼻薰之再用蛋向鼻滾擦其蟲自出以盡為度極效

又方

雞蛋

壹個炒

猪肝

肆錢炒

豆豉

米粒

搗融新瓦焙乾雞蛋白和勻

作餅放鼻孔邊引蟲出盡即愈忌婦人雞犬見

又方

韭菜子燒煙向鼻薰之引蟲出盡自愈

又方

明雄研末向鼻中時時嗅之極效

鼻中生瘡

苡米

東瓜煎湯常茶飲神效無比

又方

杏仁

去尖

搗爛成膏

用人乳調塞鼻內

又方

黃連膏

黃連

黃柏

姜黃

各錢

歸尾錢伍 生地兩壹 用香油十兩將各藥熬枯去渣用夏布漉淨再加

黃蠟肆兩 溶化離火攪勻候冷鼻內乾燥如火者用此搽之立效

又方 嫩桃葉搗爛塞鼻無葉用枝亦丁

又方 元參研末吹入或以水將元參泡軟塞鼻亦可

又方 陀僧 白芷錢貳 共研末蠟燭油調搽甚效

鼻中生痔

甜瓜蒂肆錢 甘遂壹錢 枯礬 螺壳灰 草烏各伍分 為末麻油調

作丸如鼻孔大每日以藥塞入一次其痔化為水肉皆爛下即愈或

照上苡米方治之更妙

又方 輕粉錢貳 杏仁七粒 白礬錢伍 共為末吹入鼻中即化為水

又方 頂上梅花冰片點之雖痔肉垂下亦入或用生藕節連鬚瓦
上焙枯研末和頂上冰片水調敷之尤妙

鼻中肉塊名曰息肉

生藕節連鬚瓦上焙枯研末吹入其肉漸漸自落屢試如神並治鼻
中生瘡 又方 枯礬 生猪油和綿裹入鼻中數日內肉隨藥出

鼻流清涕不止

生花生肆伍入鍋內令本人親手拌炒之數次即愈神效

鼻流臭水 名曰鼻淵 又名腦漏

此症從腦頂一股酸氣由鼻孔而下臭不可聞用 真松花粉時時
嗅入鼻中有人患此數年百藥不效以此方治之半月斷根

又方 乾葫蘆瓦上焙枯研末時時嗅入鼻內並用此藥兌酒飲或調粥服

其效如神

又方 絲瓜藤又名水瓜又夕線瓜取近根下者一尺瓦上焙枯研末嗅之並沖酒服

極效 又方 老刀豆焙枯研末酒調服三錢重者不過三服即愈

鼻塞出水日久不聞香臭

蒸藜壹兩搗碎煎水先含滿口並以一合滴入鼻中噀出一二肉蟲

即愈 又方 鐵鎖鑿磨石上取末和生猪油塞鼻有肉蟲出即愈

鼻塞不通

通草 細辛 附子共為末蜜調綿裹納鼻中

各項鼻病

凡鼻澗鼻痔鼻中肉塊鼻寒鼻癢等症用 辛夷花苞 又名木筆花 又名旱蓮蓬

去赤肉毛子用芭蕉煎水泡一夜焙乾為末加麝香 參厘 葱白蘸入

鼻孔數次極效

鼻中生毛晝夜可長一二尺漸粗如繩痛不可忍

此因食猪牛羊血過多所致用 礪砒 乳香 等分 為丸服十粒毛

自落 又方 猪毛 焙存性 研末吹入鼻中即愈如食牛羊血過多者

或加牛羊毛亦可

鼻垂紅線尺許痛甚欲死

真礪砂 壹分 頂上牙色梅花冰片 壹分為末以人乳調之輕輕點在

紅線中間頃刻即消

鼻大如拳疼痛欲死

黃芩

生甘草

麥冬

花粉

各參錢

桔梗

天冬

各伍錢

紫苑

貳錢百

部

紫蘇

各壹錢

水煎服

四劑即消

諸物入鼻脹痛不出

牛油如棗核大納鼻中油溶則物潤而隨出矣

鼻外生瘡

杏仁

去皮尖研爛

乳汁調搽即愈

鼻梁空痺

此肺熱也用

知母

川貝母

水梨肉

各貳兩

水熬膏服

又方

乾荷葉邊

連翹心

白芷

滑石

各貳錢

蔓荊子

苦丁茶

各壹錢

水

煎服服數劑即愈

鼻準紅赤名酒糟鼻

食鹽研細每早擦牙噙水漱口吐入手中洗面月餘目愈

又方 白菓嚼融和甜酒糟夜敷日洗甚效 又方 蕎麥麩燒灰

存性研細麻油塗之 又方 雄黃 硫黃各伍錢水粉式錢用頭

生乳汁調搽不過三五次即愈 又方 玉蓉粉見面搽之極效

唇部

人中腫大

生蒲黃式錢川連 頂上梅花冰片各壹錢共為

調敷

人中及唇邊口角生紅白顆粒

此即疔瘡有頭疼寒熱痛癢等症亦有麻木不知痛癢者須查疔瘡
門趕急治之

嘴唇生瘡瘡內長去

此七情憂鬱火動而生此怪症也用 柴胡 白芍 當歸 生地

各參 川連 川芎 各壹 黃芩 壹 天花粉 式 白菓 壹拾 水煎服外用

頂上梅花冰片 壹分 殭蠶末 壹錢 黃柏 式 共為末摻之即愈或照

下頭生白腫塊治之必效

口唇腫黑痛癢不可忍

大銅錢 肆個 於石上磨猪油時時搽之照疔瘡治法亦可

嘴唇四圍瘡如黃蠟

旋覆花放瓦上火煨存性研末用真麻油調搽即愈

又方 葵花根照前焙研麻油調搽雖經年不愈亦效

口角生瘡

燕子窩連泥帶糞研末麻油調搽

又方 砂仁壳放瓦上火焙研敷即愈此蔡醫博秘方

口唇赤腫發癢或破爛流水

銅青 伍錢 宮粉 叁錢 明礬 壹錢 冰片 壹分 黃連 貳兩 共熬膏敷臨用

加 麝香 壹厘 冰片 伍厘

口角四圍乾燥時以舌舐口水滋潤紅腫難堪

松毛煮豆腐約半日久取豆腐貼之日換數次雖多年不愈亦能斷

根真神方也

口角流涎浸濕紅赤

方見口部

口唇緊小 照後唇菌治之必效

此名繭唇又名瀦唇初起口緊不能飲食若不急治難救用新白布作捲如酒杯大燒燃放刀口上俟刀口汗出取汁搽之日搽十餘次並以青布燒灰冲酒服極效

又方 五倍子 蜜陀僧各式 甘草 各式 分共為末另用黃柏 各式 兩將

各藥末水調敷黃柏上火上烘乾再敷再烘藥盡為度然後將黃柏冷透作薄片貼上連換數次過夜即愈

又方 五倍子 訶子肉等分 為末 香油調敷 神效

缺唇

先用麻藥見癰毒敷上 然後用刀割開兩邊薄皮 用絲線縫好 以生
蟹黃敷之 靜坐七日 勿言 勿笑 自能收口 或用 龍骨 白蠟等分
為丸 搽上用花針穿絲線縫好 外用竹片夾住 坐靜室七日 勿言 勿
笑 自愈

唇破生瘡

瓦松生薑汁搗融 入鹽少許 敷之

唇邊生瘡 多年不愈

藍靛音寔取汁洗之 數日即愈

冬月唇乾血出

桃仁搗爛猪油調敷

嘴唇陡然翻突形如猪嘴

此名唇菌症乃心脾熱毒所致對時必死無藥可救急燒手足少商

穴查鼻部鼻血第一方便知一箇用活地龍十條搗爛又名曲蟥又名蛭蚘吳萸研末加灰

麩少許熱醋調敷兩脚心用布捆住半日一換以愈為止又用活癩

蝦蟆一個又名蟾蜍又名癩固破出血仍照上口唇緊小第一方治之或可

救也

又方查卷十一癰毒門疔瘡內救唇湯服之亦可或用溏雞糞敷

之亦妙

口部應與舌齒各部參看小兒科

口生肉穗有根如線吐出乃能飲食捻之其痛入心

此名血餘症用真麝香壹錢研末作兩次服自愈或用人髮燒灰服

亦可

口內上腭生癰

此亦名懸癰生口上腭形如紫葡萄舌難伸縮口難開合鼻內出血

時發寒熱急用食鹽燒紅枯礬各等分研細末以篋頭蘸點日三五

次自消

上腭生蟲癢不可忍

有人上腭癢極凡遇飲食更甚後有一蟲墜下急忙扯出而愈後亦

口舌生瘡

吳茱萸去梗研末好醋調敷兩足心過夜便愈性能引熱下行故也

又方 天門冬 麥冬並去心元參等分為末煉蜜丸如彈子大每噙一

丸雖連年不愈亦可斷根此林屋山人經驗方也

又方 五倍子末摻之吐出涎水便可飲食極效

又方 川黃連 北細辛各一分生研極細末以小管吹入瘡上神效

此方熱因寒用寒因熱用功成而無偏勝大人小兒並治切忌咳

又方 輕粉分硃砂 明雄各七分半冰片一分為細末先用薄荷水或茶

漱口將藥吹入應驗如神或用人中白散見齒治之亦可

又方 黃柏蜜炒研末搽之神效

又方 因服輕粉口破者用三四年陳醬化水時時含口漱之

又方 一瘡無論新舊夜卧時自將兩腎子以手攪緊左右交手揉

三五十遍夜夜揉之勝於服藥

口臭難聞

每夜臨睡時含荔枝肉一二枚次早吐去半月見效

又方 每早洗面時用白牽牛粉擦牙漱口日久自無此病

又方 益智仁 壹兩 甘草 貳錢 共為末每用一二錢乾吞下心氣不

足口臭者最宜或用蜜陀僧 壹錢 醋調漱口亦可

又方 茴香煮羹或生食之極效或用鹽梅時時含之

夜卧口渴喉乾

元参貳叁片 含口中即生津液大有功效

口角流涎浸濕紅赤

此脾冷也用 焦木 青皮 炮姜各伍分 法夏 木香 丁香各壹錢

共研細末米湯為丸如粟米大小兒一歲者服十九大人每服三四

錢服完自愈如不見效則係脾熱須照後方服之

又方 治脾熱口角流涎焦木 滑石各伍分 扁豆 茯苓 石斛各

分黃連貳分 葛根壹分 甘草壹分 共為末燈心湯調下小兒每服

一錢大人每服三四錢

舌部

舌脹滿口

凡中木必毒其舌亦腫脹
滿口方見解救諸毒門

此症由心經火盛以致卒然舌大腫硬咽喉閉塞即時氣絕名曰翼
舌至危之症急用皂礬不拘多少放新瓦上火煨紅色攤冷研細以
磁調羹擺開牙關或用鹽梅擦之或用半夏擦之自開將藥搯舌上
立效如神再用鍋底烟參錢以燒草者為佳燒煤炭者忌用冲酒送服若舌腫而喉內
有痰者即是喉風須查咽喉各方治之 又方 醋調鍋底烟子敷
舌上下最效多敷更妙 又方 雄雞冠血擦舌上嚥下即愈 又
方 蒲黃研末摻之如因寒而得者須斟酌調治為要 又方 草
蘇子肆拾粒紙上取油將油紙燒烟薰舌即消若舌上出血薰鼻中自
止 又方 諸藥不效皆以針刺舌下兩旁血出即消切勿刺中央

刺則血出不止難救若已誤刺醋調百草霜塗之

舌忽腫出口外或長數寸

此亦心火熱極所致用雄雞冠血一小盞以舌浸之即縮或照上舌腫各方治之 又方 真川連參肆錢煎濃汁以舌浸之亦收 又方

并水一桶令人提起一人引病人前來不可說明將近身即劈面潑去其舌自收此方暑天始宜收後仍以川連貳參錢煎水服之

傷寒熱痛後舌出寸餘不收

頂上梅花冰片研細搽舌上應手而縮須用伍錢方效

舌出口角時時搖動

此名翠舌風用翠鳥舌

舌須取由陰乾備用

在兩額上點戳幾下即愈

舌忽縮入

銀針刺破舌尖出盡惡血以蠟燭油搽之即愈

舌上出血

舌忽出血如湧泉或紫或黑由心火上炎以致血熱妄行用六味

地黃湯見內外倫加

槐花參錢煎服立愈或照以上舌腫諸方治

之以鍋底烟子敷之更妙又方茅草根生車前子亂髮各

為末吹擦立止此林屋山人經驗方也

又方槐花炒研摻之或用頭髮燒灰醋調敷之

舌頭潰爛

凡舌爛痛極飲食難進宜用吳茱萸三四錢研末好執醋調敷兩

脚心用布搥好對時一換其效如神或兼用人中白散見齒部治之更妙

舌上生菌

此惡症也初起如豆漸大如菌疼痛紅爛無皮朝輕暮重由心脾熱

毒所致用 硃砂 人中白各伍分 瓦上青苔 瓦松 溘雞糞各壹錢

用傾銀罐子二個將藥裝入封固外用鹽泥封好以炭火煨紅待三

炷香為度候冷開罐取出入頂上梅花冰片 麝香各壹分 共研細末

臨用時先以磁針刺破血菌用藥少許點之再以蒲黃末蓋之內服

二陳湯見內外條 加黃連 黃芩 薄荷煎服即愈或用上方地龍

吳茱萸塗足之法更妙 又方 取蜘蛛絲搓作線一條打圈套在

菌根上其絲自漸收緊收至極痛忍耐片時菌落血出用百草霜敷

或痛黃末敷俱效再用 六味地黃湯加 槐花參錢煎服並治重

舌甚效

舌硬生衣

犀牛黃

硃砂各壹分

元精石貳兩共研細末

將血尖刺出紫血用此

藥搽之即愈此林屋山人經驗方也

舌下重生小舌

參看小兒雜治門重舌各方

照上舌菌第二方治之

又方

黃連

山梔

荊芥

黃芩

連翹

木通

薄荷

牛蒡

各壹錢甘

草伍分燈心一小團水煎服小兒減半服

舌下細粒如豆

此肺癆也查癆毒門肺癆方詳細辨別治之

舌下生數尖或遍口生瘡如蓮花又如粟米

患此症者飲食減少氣喘生痰手足俱冷用針刺破兩邊尖者中間斷不可刺切記切記

舌下腫痛

此亦重舌之類用

蒲黃

伍錢

煎濃汁去渣含口中數次極效

舌下痰色

用無雜色的白馬糞放新瓦上焙乾研末坑頂上梅花水片為末敷上立愈或照上舌病各方治之

小舌落下

用鹽橄欖連核燒灰存性研末次之即上或用
吊湯壘灰點之或用
食鹽炒熱點之均效總宜先用筷子將大舌根壓住然後吹點
方能上也

小舌生紅泡子與咽喉症不同

蛇床子式兩罐內燒烟吸入喉中自消

補斷舌法

凡人偶含刀在口割斷舌頭已垂落而未斷用雞蛋內白軟皮套住

舌頭另以 天花粉參兩 赤芍式兩 姜黃 白芷各壹兩 為末蜜調塗

舌根以白蜜調白蠟稀稠得宜敷在雞蛋皮上日敷數次三日舌自

接住去雞蛋皮再用蜜蠟勤敷七日全愈 又方 如跌撲穿斷舌

心口血出不止以鴉翎蘸米醋頻刷斷處其血即止 或用瘦猪肉片貼之更妙仍用蒲黃 杏仁 硃砂少許為末蜜調成膏噙化而
去 又方 活蟹壹個炙乾為末敷上即能生肌藥宜預製以備急
用 又方 活蟹燒灰 乳香各式 沒藥各式 塗之即生肉如咬去唇舌
用 川烏 草烏為末攤紙一條以涼水調合貼之即不覺疼

齒部

牙齒疼痛

牙痛不外風火蟲三項又有虛火實火之分虛火其病甚緩日輕夜重實火痛不可忍風痛者痛而且腫甚至頭面皆疼呵風亦痛虫痛者發時必在一處叫號不已亦有虛痛總在一處者治法雖多初服

甚效而再發服之不效蓋虛實各有不同故也古方有分別上下左右按經施治之法試之不甚見效故未列入

玉帶膏治疔氣去風邪止火痛固牙齒及搖動不能食物者臨卧時

用花椒水漱淨每用一片貼牙根上次早取出毒重者其色黑毒輕

者其色黃方用 生龍骨貳兩 宮粉壹兩 頂上梅花冰片 麝香

真硼砂各貳錢 淨黃蠟貳兩 除黃蠟外將上五味研細末和勻聽用

先將黃蠟溶化離火即入前藥末攪勻用棉紙將藥傾上用竹刀刮

勻如膏疑難刮又用熱湯薰透使軟再刮勻攤紙上剪作一小指寬

一寸長收貯磁瓶內封固勿令泄氣京市專以此收其利也

竹葉膏 生竹葉壹兩 去梗淨 生姜肆兩 淨白鹽陸兩 先將竹葉熬出濃

汁又將姜搗汁同熬瀝渣將鹽同熬乾如遇牙痛用擦一二次即愈

其效如神蘇州重兌重換不易得也 又方 老蒜或辦輕粉壹錢

同搗融敷經渠穴 穴在大指脚下手 用蜆壳蓋上亦可男左

女右少頃微覺其辣即便揭去隨起一泡立時痛止泡瀕挑破搗盡

毒水曩者年中丞弱冠時患此每發一次呼號累日飲食不進有喇

嗎僧實如授此方用之數十年不發真仙方也 又方 上方如不

知穴處即用 老蒜搗爛如蚕豆大敷在大指二指手背下微窩處

亦極神效 又方 在肩尖微近後當骨駝陷中以蒜片蓋住上用

艾一小團 如豆 燒五次左牙痛燒左肩右牙痛燒右肩燒後頸必

大痛良以盛痛永不再發百方不效者惟此立驗亦神方也 又方

骨碎補

式兩銅刀切細又名毛姜又名猴姜又名石板姜以石上生者為佳

食鹽伍錢桑椹子伍錢瓦

鍋內熬成膏去淨渣早晚擦牙良久吐之不惟可治牙痛且能固齒

益髓去骨中毒氣牙動將落者擦一月後再不復動 又方 川椒

參分

細辛

式分此味必須秤準多則頭必牽引作痛

白芷

防風

各壹錢

共用滾開水泡透

時時含水入口片刻吐去再含無論風火虫牙莫不見效不可輕視

又方 皂角 生姜 地黃 旱蓮 槐角子 荷葉蒂 細辛

青鹽

各壹錢

升麻

伍分

共研末擦之此方西嶽蓮花峯斷碑中抄出屢

用皆效 又方 烏梅燒存性研末加 頂上牙色水片少許擦之

神效水片用時方加以免出氣 又方 石羔式錢胡椒叁粒共研

細末敷之極效

陰虛牙痛 緩痛者是

枸杞 壹兩 蒸瘦猪肉食一二次神效之至 又方 牛膝 去心 鹽水炒五錢

猪腰 壹對 要一猪所生者 煮粥食立效 又方 生附子研末口水調敷兩腳

心極效 又方 核桃壳 又名胡桃 四五觔打至粉碎加川椒食鹽少許

熬成濃汁攤冷時時漱齒極效

陰虛邪火上蒸牙痛連及頭頂

此症陽明有餘少陰不足宜用王女煎 熟地 伍錢 麥冬 去心 石羔

各參錢 知母 牛膝 各壹錢五分 水煎服

風熱上蒸牙脹頭痛

連翹 滑石 銀花 西瓜青皮 生綠豆皮 活水蘆根 各參錢 水

煎服或照後風火牙痛各方治之

風火牙痛

腮外發腫者是呵風痛者亦是

生地搗爛加潮腦少許盪勻貼患處吐出涎水神效 又方

陳鹽梅子含口內吐出涎水數次即愈 又方 五倍子末冷水調

敷腮脰甚效 又方 木患子 又名洗手菓 三四個去核用生鹽塞滿加

雄黃少許燒成炭研末冷透火氣加頂上牙色梅花片和勻擦牙吐

出涎水再擦再吐涎盡自愈極效 又方 生絲瓜一條 又名木瓜

擦齒少許火燒存性研末頻擦涎盡即愈腮腫用水調末敷之極效

又方 苋菜根燒灰敷之極效 又方 北細辛 北五味 各貳分 共

搗為丸塞痛處立效如神

蟲牙作痛

痛在一處齒縫有膿或無膿者是

明雄末

貳兩

真小磨麻油

肆兩

調勻含口漱片時吐出再漱數次即

愈有人蟲牙痛不可忍飲食不進百治不驗用此斷根屢試神驗此

治蟲牙第一方也

又方

雄黃末和棗肉為丸塞牙縫日換數次

極驗

又方

五倍子煎濃汁含漱數次其蟲立死其患永除

牙根腐爛

名走馬疳疔

凡大人熱病之後及小兒痘症之後火毒流於胃經致有此患勢甚危急甚則落牙穿腮透鼻一二日即能致命故有走馬之名言其驟也此症有五不治不食爛舌根不治黑腐如筋者不治白色肉浮者為胃爛不治牙落穿腮鼻臭不堪聞者不治山根上發紅點者不治

如是凶險命在須臾急用 生大黃參錢丁香拾粒菘豆貳錢共研

末熱醋調敷兩足心最為神效仍照後金鞭散治之庶幾十可救五

金鞭散 綠礬伍兩煨人參兩中白煨明雄貳兩真麝香壹錢頂上梅

花水片壹錢先將銀針挑刮去腐肉紫血然後將藥研末敷之吐出

毒血惡涎方能愈也 又方 赤霜散 專治走馬牙疳 紅棗壹

去核入紅砒壹粒如黃豆大紮好放瓦上灰火炙至棗枯烟盡為度取出用

碗蓋住候冷加頂上梅花水片壹分研末將患處洗淨吹入效速

如神久爛之孔生肌亦速此方較前方簡便而極效驗乃林屋山人

秘傳也 又方 生南星壹個當心剝空入雄黃壹塊麩裹燒候雄

黃燒溶取出用碗蓋住候冷去麩為末入麝香少許拂瘡數日甚效

此亦林屋山人方也 又方 人中白散治男婦大小走馬牙疳並

咽喉疼痛腐爛紅赤舌腫齟臭映血牙床潰腐等症極效 人中白

兒茶 真青黛 真硼砂各壹錢薄荷 元明粉 馬昆勃伍頂

上梅花冰片式分共研細末如灰麪細於舌上無渣為度搽之如病重者加真犀

牛黃叁分珍珠伍分其效更速咽喉病用筆管吹入日三次夜二次

甚妙

牙疼腿痛名青腿 牙疳

此症兩腿形如雲片或紅或青大小不一痛而腫硬步履艱難其毒

上攻以致牙根腐爛甚至穿腮破唇雖說話高聲亦痛照前走馬牙

疳各方治之腿上腫處用清涼膏見湯火傷門治之神效無比或用磁鋒

刺破出血以牛肉片貼之日換數次甚驗或用六味地黃湯見內外
方十餘劑亦可藥內去山萸肉為要 又方一人患此痛苦八年不
愈一乞食道人用艾火在耳門邊肉尖上切蒜片隔住連燒五下立
時全愈神妙非常左痛燒右右痛燒左或兩耳全燒無不奇效或不
用蒜以燈火燒之更妙

盤根牙癰

牙根破爛甚至牙骨通身脫落須用金素丹見癰毒 搽棉紙上捲成
紙燃塞牙根邊久塞可保不脫如遇飲食可去藥條日換數次亦無
防礙

牙根腫痛

紅腫痛甚者名牙癰刺出毒血用珍珠散吹之亦可吹內服龍膽瀉肝

湯見內外備用諸方即愈倘牙骨及腮內疼痛不腫不紅痛連臉骨者名骨

槽風治法見後

牙腮疼痛初起不紅不腫久則潰爛或有骨出

此名骨槽風乃陰疽也初起有誤認牙疼多服涼藥以致成功爛至

牙根延爛咽喉不救未潰爛者宜用二陳湯加陽和丸煎服或服

陽和湯消之已潰爛者用陽和湯犀黃丸每日早晚輪服如有多骨

在內用推車散吹入過夜其骨不痛自出俟骨出盡用生肌散吹入

內服保元湯加肉桂當歸川烏生耆生草收功屢試神

驗此林屋山人經驗神妙方也

各方見癰毒陰疽及內外備用諸方各門推車散見多骨痛門

火鬱牙疼結核銀腫

夏枯草 犀角 羚羊角 黑飽仁各壹錢 元參 知母各壹錢 連翹

銀花各壹錢 生甘草 六分水煎服數劑即愈虛火痛者忌服

牙縫出膿

有膿而不潰爛或似膿非膿痛不可忍者此虫牙也照虫牙第一方

治之

牙縫出血

此名牙宣症又名牙衄乃陰虛熱極所致發時血出不止若不急治

難救用黃豆渣亦豆腐店中取過黃豆醬之渣無別用生黃豆嚼融亦可如不見效仍用豆渣為妥並以黃豆為佳黑豆

不效店中亦有黑豆 敷之立止如神內服 六味地黃湯見內外 者須問明以免誤事

方去山萸肉不用有人患此血出兩日不止熱甚垂危照此治之其病若失此治牙衄第一神方也載福建某府誌

滿口牙齒出血

前症係一二牙縫血流不止此係滿牙出血時有時無用枸杞為末煎湯漱口然後吞下立愈如血出不止即用前豆渣方治之

又方 馬糞燒灰存性搽之立愈 又方 蘿蔔含口內嚼之熱則再換另嚼極效

輕粉毒發齒縫出血臭腫

貫眾 去錢 黃連 三錢 煎水候溫加 頂上梅花水片 式分時時漱之

牙根腐肉漸長

此名齒疔症用

生地黄汁

壹鍾

皂角數片

將皂角燒熱

淬音婁地黃

汁內再燒再淬以汁盡為度晒乾研末敷之即縮或用朴硝末敷之

亦消

齒長數寸

此名髓溢症用

真白朮為末人乳拌蒸服之即愈此孫真人千金

方也

軟牙瘡

此症小兒多生用

生蜆

參肆

撬開取肉先將壳燒枯和蜆肉搗爛

敷之甚效

睡臥咬牙聲響

即取所睡蓆下灰塵一捻納入口中勿令本人知之即愈

牙齒作酸因食酸味過多者

胡桃肉又名核桃食之即愈

取痛牙法

牙不宜取取則滿口牙鬆實在痛極礙於飲食方可取之否則不取

為妙用 大鯽魚壹條約重拾兩用白信石壹錢入腹內縫口掛有風無日

貓鼠不到之處陰乾七日鱗起白霜收貯約一鱗之霜可取一牙臨

用將白霜放膏藥上不論何項膏藥指定痛處貼上令本人咳嗽一聲其牙

自落此林屋山人經驗方也 又方用 大蒜一個搗爛入白龍骨

末一二分拌勻貼痛處半時即下

牙齒稀疎

盧甘石煨研石膏各等分日日擦之不可制動久則自密

牙關緊閉

鹽梅擦牙上涎出即開此法最妙或用磁調羹搗之亦開切不可用銅鐵搗動如不能開用物打斷一牙亦可灌藥

牙落復生

見後固齒鼠骨散方

固齒良法

前有骨碎補一方甚效

牙痛方藥最多臨時見效甚少即有微效難免復痛余自十歲以後屢患此症每發必數日痛甚不能飲食甚至寒熱交作醫藥不效後

得一法平日小便時咬緊牙關則永無此患依法行之一年之內間發數次久則不復再發其妙無窮又飯後漱齒晚間洗齒亦良法也又方 凡人中年及將老時牙多脫落或搖動不即脫落更為不便務記初落牙時將落下之牙放瓦上用火焙枯研細敷於滿牙半日下再行吞下可保餘牙永不脫落 又方 大黃伍錢 甘松 香附各伍錢 白芷 生石羔各伍錢 真川椒胃寒者用胡椒 萊豆各肆拾粒 細辛叁錢 共研細末加食鹽八兩火煨過篩抹藥末早晚擦牙不獨固齒兼去口中氣味

鬚部

烏鬚法

五倍子 壹兩 銅錄 參錢炒紅用醋淬音湊之醋不青礬 貳錢炒研生鹽分

先將五倍子研末用好燒酒調成麵糊樣蒸至鏡面為度不宜久蒸

先用皂角水洗鬚壹次又用茶洗壹次將藥乘熱濃濃染之俟乾用

熱水洗去其鬚光潤如漆可保兩月不白 又方 熟地 叁兩 生何

首烏 參兩要白色而長形者 黑芝蔴 壹兩 萬年青 貳片 桑葉 貳兩 白菓 叁拾個 桔

梗 參錢 為末不可經鐵器為丸每日早飯後服壹兩壹月後鬚即烏

黑久服可不再白

拔白換黑

先將白鬚拔去用猪膽塗孔中即生黑鬚或用白蠟點孔中不再也

羊鬚瘡

小紅棗燒枯存性研末 清油調敷甚效 又方 雞腰膏見癰毒通治門 其效如神

又方 諸藥不效者以舊棉絮胎燒灰麻油調搽立愈

下頰

下頰脫落

此症起於腎肺虛損元神不足或談笑高興忘倦一時元氣不能接續所致須平身正坐令人以兩手托住下頰兩腦後送上關竅隨用布條兜住務須避風若受風邪則痰涎上壅口眼歪邪則難治矣外用天南星研末姜汁調敷兩腮腴一夜即上次日再用 高麗參

白朮 茯苓 製半夏各伍錢 當歸貳錢 僵蠶貳錢 天麻 陳皮各壹錢

川芎捌分 甘草叁分 製附子陸分 燈心肆拾根 生姜叁片 水煎服

又方 真為梅搗融為餅塞滿牙盡頭處張口流涎隨手掇上
又方 白朮壹兩防風伍錢水煎服半刻即上其效甚速

頸項

頸上生瘡大如櫻桃有五色者瘡破則頸皮斷

黃牛乳日日飲之久則自愈

對口瘡 與癰毒諸方參看

生後頸正中處偏生者名偏對口夏秋間取茄子蒂懸掛簷間有風
處吹乾遇生對口者將大銅盤放杉木好炭燒烟盡將茄蒂不拘多
寡於炭火內燒烟令病人仰卧床邊另放一椅將頭攔住露出瘡口
以銅盤位置緊對瘡口任聽茄蒂烟氣薰之良久瘡口自開即有一

線紅絲血流下盤中不可移動恐其斷而不續須俟紅絲流盡自斷

則瘡毒盡矣用 生甘草 金銀花煎湯洗瘡口服調補氣血藥收

功屢試甚驗 又方 鮮茄子蒂酌肆生紅何首烏貳兩煎服二三

劑未破即消已破拔膿生肌雖根盤八九寸寬大者亦效 又方

水仙膏見癰毒諸方無論已破未破屢試如神百無一失 又方 初起

者用 嫩桃葉尖菜片用鐵斧搗融貼之即愈效驗之至 又方

用爛糖雞糞雄雞糞更妙敷數次即愈雞糞大涼最能敗毒加荔枝核研

末調敷猶為神妙此屢驗方也 又方 明雄壹錢吳茱萸壹兩為

末香油酌煎調搽對口疼痛百藥不效敷此立止真神方也 又方

凡對口根盤寬大不紅不痛或微微疼痛色暗不明乃陰疽也斷不

可誤用寒涼之藥致成敗症難救須查卷十一陰疽各方治之為要不可輕忽

對口之上生瘡

此名落頭瘡紅腫者照對口及癰毒通治見卷十一各方治之皮色不變

平塌而不甚痛者照陰疽見卷十一各方治之

頸項直硬不能轉側

此肝腎二臟受風故也用 宣木瓜貳個取蓋去瓢沒藥貳兩乳香貳錢同

入木瓜內加蓋縛定飯上蒸三四次研爛成膏每用叁錢入生地黃

汁半盞好熱酒貳盞化開溫服 又方 黑豆壹盞蒸融布包作枕白

閃頸促腰

真硼砂研粉以燈心蘸點眼內四角淚出即鬆連點三次立愈

咽喉

咽喉辨治

咽喉之患最為險惡忽然頃刻而痛難忍係屬寒症若悠緩而痛乃為熱症內經云驟起非火緩起非寒虛寒實熱是在明睿者知所區別乃所投而無誤耳此林屋山人妙論也又凡喉症須於本門先後各方詳細參看斟酌用之為妙

單雙喉蛾

又名喉痺生於咽喉關上者輕關下者重此症喉閉片時即不可救若男子從鼻梁中心尋至頭頂婦女則從腦後尋至頂上小兒則看

兩手虎口如有水泡紅子即用銀針挑穿喉蛾即破心見燈火一面

用老蒜搗融如蠶豆大敷經渠穴穴在大指下手腕後即是男左女右用規

壳蓋上紮住用別物蓋亦可片時起一水泡銀針挑破將水揩淨以去毒氣

立刻安痊再服甘桔湯見內外備用諸方以免後患無藥之處不服亦可此

方屢試屢驗其效無比 又方 皂角蟲蛀者不用研末醋調服壹錢重

則壹錢肆伍分或用鷺毛蘸藥入喉攪動亦可並敷喉外乾則隨換

少時吐出痰涎即愈此係急症諸藥性緩惟此功效甚速屢試皆驗

喉風第一方也並治九種喉痺愈後仍照以後甘梗湯調理無藥之

處不服亦可 又方 鷺毛一根粘一桐油壹分入喉捲攪痰隨油

吐服甘草水 又方 手指甲燒灰吹入其蛾立破至便至神或用
可解油氣

燈草燒灰吹入亦極驗也又後有症各方俱極神效可用

風火上鬱頸腫喉痛

薄荷壹錢 連翹 射干 牛子 馬勃各錢 生棗豆皮壹錢 水煎服

又方 西瓜青皮 連翹 射干各錢 飛滑石壹錢 桑皮壹錢 杏仁

壹錢伍分 去皮尖 水煎服虛火痛者忌服

喉痺治法

喉蛾喉閉纏喉風皆曰喉痺痺者不仁也頃刻而起危急之症痰在

喉中作響響如打鼾舌白而不腫諸書皆稱肺絕不救蓋緣候服寒

涼之藥以致死耳服後桂薑湯立愈 桂薑湯 治喉痺頃刻而起

毫無別恙者此虛寒陰火之症 肉桂 炮薑 甘草各伍分 共歸碗

內取滾水沖入仍將碗頓於滾水內服藥口許慢慢嚥下立愈或以生附子切片塗白蜜火灸透黑收貯臨用取如菜豆大壹粒口啣嚥津亦立刻全愈此林屋山人秘法雖暑天亦宜用切勿遲疑自誤

外纏喉風

此症喉內熱結喉外腫大痲而且痒如蚊纏頸身發寒熱頭目腫痛者即是喉內之痰塞滿舌有痲護此痰不出齒作響如鼾喉痺悞服涼藥有此症也如再遲痰塞鼻內氣無出入即死照前喉蛾皂角桐油各方治之仍用姜桂湯見前調理而安

口纏喉風

此症發時惡寒惡熱內外無形出氣短促胸前紅腫兩足畏寒乃腎

經有熱水枯不能上潤故也照前外纏喉風治法自愈心前如有紅
絲用針挑斷為要喉關如雷響暑難治

鎖喉風

喉內無蛾痰聲不響喉內氣急不通者即是照前喉蛾皂角桐油各
方治之

小兒鎖喉風

用芙蓉葉搗汁煮雞蛋一貼顙門一貼肚臍即愈

脚根喉風

此症從脚根發起直至喉間或一年一發或半年一發其病一日行

一穴切忌熱物怒氣初起宜用

綠礬

煨

參分真硼砂

陸分

元明粉

伍分

頂上梅花冰片

壹分

真麝香

伍厘

共研末吹入少許再用

菴活

獨活

栝硬

防風

黃芪

白芷

甘草

茯苓

陳皮

前胡

柴胡

白芍

元參

牛子

煎服如纏惡起泡者難治

咽喉腫痛日輕夜重痰如鋸聲

乃陰虛也用

熟地

壹兩

茱萸

肆錢

麥冬

五味

牛膝

各叁錢

茯苓

伍錢水煎服下喉一聲響亮火熱俱消或照前姜桂湯服之亦可

喉腫心痛閉目不語起首脉散牙緊發謊手足麻木

此名硃砂症又名心經疔非喉風也急用紅紙捻燒燃照心窩背心

兩處見有紅點用針挑破內有紅筋挑出

如無紅點少刻再看或服藥後再看必有

並用

雷擊散治之

見卷十五瘟疫門

喉間作痛爛不收口

此名爛喉痧用 土茯苓煎湯時時服之忌茶數日即愈又以四物

湯見內外備用諸方加 茯苓 黃芪 二十餘劑而安 又方服櫻桃數

十粒即愈如無新鮮者即蜜餞者亦可此方係嘉慶年間江蘇人得

自仙傳救人無數平時宜向南貨客購買蜜餞櫻桃存貯以備急用

又方 用紅棗散後見吹入過夜即安或用人中白散見齒部治之極效

喉内生瘡鼻孔亦爛

若作喉風治立死用 白鹽梅壹個 燒灰存性 枯礬一錢 穿山甲

灸壹錢 共為末吹喉中神效或用人中白散見齒部 治之

喉瘡已破疼痛難食

猪腦鹽蒸熟醋和食之

飛絲入喉生瘡

凡喉瘡日久不愈恐是露天飲食有飛絲落下食之以致咽喉生瘡
急用 白礬 巴豆燒灰吹入即愈或用後巴豆油薰鼻之法亦妙

喉癰

體虛多鬱者患之喉生苔癰色暗不紅不閉不腫氣出如常微微疼

癢有礙飲食者即是此係虛火淹纏難愈忌刺畏補用頭胎黃牛屎

放新瓦上並用瓦蓋周圍用文武火煨至烟盡存性連瓦取下用鉢

蓋住候冷研末用筆管徐徐吹入自愈 又方 冰片 牛黃各壹分

胆礬叁分 山豆根貳錢 真硼砂 雄精 兒茶各捌分 共研細末另用

鹽梅去核搗融入藥和勻丸如龍眼大臨卧啣在口內過夜即愈啣

至十丸斷根神效無比

風火喉癰

此症屢愈屢發並無夜熱咳嗽吐血等症惟止喉痛紅赤或似蝦蟆

皮色圈結喉中用秋蝴蝶花根貳兩即射干也此花梗葉與春蝴蝶

色以秋間開黃花者為真不可誤取洗淨搗爛甜酒煎汁啣口中漱三五次吐出再換

再漱可以除根

喉內生肉重重疊疊腫起不痛多日方有臭氣透出

臭橘葉煎服數次即愈 又方 用綿裹篋子頭蘸食鹽點肉上五

六次自消再用 桔梗 黃連各壹錢枳實炒前胡 連翹去心陳

皮 防風 半夏 柴胡 南星 白附子 牛蒡子炒研 赤芍

莪朮 元參 甘草各壹錢 煎服體虛者忌服

喉中結塊不通水食危急欲死

百草霜即鍋烟子以鄉村燒草者為佳燒煤炭者斷不可用 和蜂蜜為丸如芡實大新汲井水

化一丸灌下甚者不過二丸此名百靈丸 又方 胆礬啣口內惡

涎吐盡自愈

喉中忽硬一塊如桂圓大吞吐不出不下

厚朴 半夏 茯苓 紫蘇各壹錢 甘草伍分 老姜壹片 煎服即愈

喉中生珠

丹溪云此非喉症乃是鼻中生一條紅線如髮懸一黑泡大如櫻珠

垂挂到喉門而止如用刀針即死急取活土牛夕根獨條肥大者向
草藥店中買之搗汁以好醋四五滴和勻滴入鼻中二三次線斷珠破吐出
瘀血立安或用針刺手腕中紫筋或刺少商穴查後喉症諸方便知去其惡血
更為神妙

喉中生瘡

此症生喉間兩旁或單或雙如桂圓大紅絲相裹如瘤因肺經受熱
所致切忌用刀內服 益氣疎風湯 甘草 桔梗 川芎 當歸
生地 升麻 白芍 花粉 黃芩 麥冬 前胡 青皮 乾
葛 連翹 防風 白蒺藜 水煎服外用 麝香 上冰片各參分
川連貳分 研末時時吹入或刺手腕中紫筋或刺少商穴亦妙

喉間腫大又非癭瘤忽痛忽止外現五色按之半空

此痰結也用 海藻 半夏 白芥子 貝母 南星各錢 高麗參

參錢 茯苓 伍錢 昆布 桔梗 甘草各壹錢 製附子 壹錢 水煎服

喉中結氣如梅核樣時有時無

平青半黃梅子每個用鹽壹兩鹽少不效淹一日一夜晒乾又淹又晒淹

至鹽水盡為止每用青銅錢叁個夾鹽梅貳個麻線捆住裝磁罐內

封口埋地下百日取出每用鹽梅壹個含口中嚥汁入喉半刻即消

收一年者佳越陳越好其妙無窮 又方 子龍丸見陰明服之最效

老癆喉痛

生雞蛋壹個去黃需稻根鬚洗淨甜白沙參 石斛各壹錢 麥冬錢

妙
生甘草 參分 水煎服

穢濁上衝咽喉腫痛

連翹 參錢 馬勃 各壹錢 杏仁 去皮 橘紅 竹葉心 各壹錢 鬱金

捌分 牛子 貳錢 水煎服

喉中作癢

此喉管傷寒也不可吃茶酒湯水用 薄荷 貳分 麝香 伍厘 研極細

末吹入喉中吐出涎水碗許再用陳米 貳合 煎湯飲之自愈若先服

茶酒等物則難治也又有咽喉癢痛聲啞方見後

喉症各方

凡一切咽喉急症或閉或痛切忌刀針以免穿透急將兩手膊以手

勤四五十次趕血於大拇指取扎髮_●扎住用針在少商穴穴在兩手大指

內外甲縫中不上不下即是處刺破出血立愈男左手女右手重者兩手齊刺百

發百中急救第一方也 又方 先於後頸窩處搽油少許用銅錢

一文刮之如刮痧樣要順刮切忌倒刮其痛稍緩以便乘勢盡藥輕者不藥

亦可比法極妙 又方 生附子研末或用吳英亦可熱醋調敷兩腳心

無論實火虛火俱極神妙 又方 獨蒜貳枚削去兩頭塞鼻中左

患塞右右患塞左喉口中出血乃愈 又方 治喉咽不通牙關緊

閉不省人事用巴豆搗爛綿紙包壓取油作捻點燃吹滅薰鼻中使

烟氣薰入喉內即時吐出惡血痰涎便愈神效 又方 凡喉症先

一二日胸膈氣緊出氣短促忽然喉痛手足厥冷氣閉此係危症切

忌牛黃入口不救惟用前皂角末服之最效 又方 家麻皮藟韭

剪下七節每節壹長用旱烟袋燒燃當烟吸食即破未破再食一次

無不破矣 又方 紅棗散紅棗肆兩去核燒枯明雄柒錢伍分枯礬

真犀牛黃 牙色梅花冰片 銅綠煨真麝各壹分共研細末收入磁

瓶勿令出氣遇喉風等症以紅紙捲管吹入喉中仰卧少時吐出濃

痰以多為妙若爛喉痧吹入過夜即安屢試神效

又方 黃瓜霜 嫩黃瓜有刺者不論幾條於端陽午時切開瓜頭

挖去瓜穰用皮硝裝滿仍將瓜頭竹籤蓋好將黃瓜挂簷下勿令見

日候瓜外起霜刷下加水研末吹患處止痛如神虛火喉痛忌用

又方 鹽藕節 平時取新鮮藕節烘乾用鹽醃好封固遇有喉痛

者嚼汁咽之極為神效陰虛喉痛更妙

又方 猪胆礬 臘月八日取雄猪胆一個裝入白礬末陰乾研末

次年臘月八日再取猪胆入前猪胆末如此三四次過患者用一

二分次之凡單乳蛾喉癰喉癰腫痛吞嚥不下命在須臾者屢試

如神虛火喉症忌用

又方 蘿蔔纓 凡人於三四月間有喉間病皆因冬天寒氣鬱結

不開至春始發須於初交冬時多買蘿蔔菜攤在瓦屋上挂在竹篙放露

天下更妙任他風霜雨雪吹打不要收下直到立春前一日收下挂在

無日處陰乾春二三月收來切碎將醬或鹽放在碗中飯鍋上蒸

熟當家常小菜食之一家永無喉患若有人患喉風等症者以此

菜煮湯服甚效並治痢疾

又方 紫袍散 治咽喉十八症即綠雲散又名石青散虛症忌服

石青 真青黛 硃砂 真白礪砂以上各壹錢 水片貳錢 明礬 人

中白 元胡以上各伍錢 山豆根貳錢 共為細末收貯磁罐不可洩氣

用五六厘吹入喉中立愈

六味湯 治咽喉各症虛火痛者忌服

荊芥穗 薄荷各叁錢 炒僵蠶 桔梗 生粉草 防風各貳錢 水煎

數滾微溫含口中緩緩咽下不可大口一氣吃完如一時煎熬不

及以滾開水泡之亦可

蘇子湯 鎖喉纏喉乳蛾風火閉住皆治此林屋山人極驗方也

蘇子 前胡 赤芍各二錢 桔梗 甘草各一錢 元參 連翹 浙貝

各一錢五分 水煎服

加減 桔湯實火宜用之立愈此林屋山人極驗方也

川連 桔梗 牛蒡子 連翹 黃芩 花粉 射干 元參

赤芍 荆芥以上各一錢五分 甘草 防風各一錢 水煎服

喉內戳傷飲食不下

雞蛋一個鑽一小孔去黃留白入生半夏一個微火煨熱將蛋白服

之

驚嚇失言不語

有人因受驚嚇失音不語用 陀僧七分茶調服即愈屢試如神

忽然口不能言

附子研末吹入喉中即愈

又方 豆豉煮湯加入好酒服之或用人乳汁半合和好酒調服之

咽喉聲啞

真硼砂一兩 元明粉一錢 胆星一錢 訶子肉二錢 冰片三分 共為末

外加 大烏梅一兩 搗如泥丸 如龍眼核大 每用一丸 噙化數次即愈

又方 豬油二觔 熬去滓 入白蜜一觔 再煉少頃 瀝淨入磁器內 俟

成膏 不拘時 搽服一匙 兼治肺熱聲啞

又方 通草水煎服 或用桔皮煎濃汁 俟冷飲之

咽喉癢痛聲啞

肉桂一錢杏仁五錢為末蜜丸櫻桃大綿裹含化燕汁

陰虛聲啞

人之失音由於色慾過度元氣耗喪雖參茸無能為力惟有未破身
十六七童男女五更早起未食物之前不必漱口爛嚼海南子旗柳
一二個與病者服之換十人嚼至十次其病自愈男病用童女嚼女
病用童男嚼○又方 生白礬煉蜜為丸服之

又方 新好槐花放新瓦上慢火炒熟放身旁隨行隨坐間送一二
粒置口內咀嚼咽之使喉中常有氣味久之自通

咳嗽聲啞

見咳嗽門

喉外生癰

此症發於頸項結喉俗名喉結之上名結喉癰發於結喉兩旁名夾喉癰

重則堵塞咽喉湯水不下若爛穿見喉難治初起未破時內服黃連

消毒散外敷二味拔毒散均見癰毒諸方如將欲破即照癰毒各方治之

專治咽喉腫痛

月石一錢大生地二兩搗爛和藥為丸桂元核大入口任其自化

薄荷三分甘草三分小梅片一分西瓜霜一分

喉蛾方

斷燈草數莖纏指甲就火薰灼俟黃燥將二物研細更用火逼壁虱

則真十個一并搗入為末以銀管向所患處吹之苑即可潰嘔吐膿

血即愈

又喉間方覺脹滿起泡身急以食鹽用撈手掌心搥乾復易新鹽搥之數刻即消極有效

此方於喉痛時服之，上名結喉，喉發於喉，喉而...

...

...

...

刀石一錢，大寸，地二兩，搗爛，以雞為丸，桂元核，大入口，任其自化。

...

...

...

...

白喉症論

白喉治法古書無聞其症有四有火毒內甚而白者此為疫症有由蛾
風治之不善久而變白者此為風症有不惡寒發熱而喉內起白皮隨
落隨長者此為虛寒有陰虛久而喉白者此為癆症惟時疫白喉其症
至危殺人最速且多傳染宜急治之然罕有能知之者往往束手無策
近以京師此症頗盛行得長沙張善吾先生著有專治白喉方書其辨
症甚詳治法有序施之病家屢試屢驗比年閩中亦多此患依此治之
甚獲神效但恐辨症未明與信之未堅耳茲錄其要云白喉有時疫一
症大抵初起時惡寒發熱頭痛背脹精神倦怠遍身骨節疼痛舌微硬
胎黃頰頰微腫喉內或極痛或微痛或不痛似傷寒傷風表症及至潰

劉邑法
善吾先
生著有
時疫白
喉控要
存心濟
世不索

決舌腫短而硬懸雍垂腫甚喘渴心煩若初起投以麻桂細辛姜防
升柴蘇葉之類致毒渙散無可挽回蓋此症乃足三陰受病傳之於
肺肺屬金其色故白兩關及左尺脉多沈數而躁其惡寒發熱乃毒
氣初作於內至二三日喉內現白現後寒熱自除不可誤服表藥治
宜解三經之毒使之下行勿令蓄積於肺若因色白擬為寒症以附
桂炮薑投之其火愈熾其禍愈烈若知為火毒輒以芒硝大黃下之
則元氣傷治難應手若火毒甚者專用消風散毒引熱下行之劑是
猶杯水車薪與事無濟若信之未堅與辨症未明投以平淡之藥是
猶優容養奸延過七日毒氣重病即不起治者當詳審病源或舌胎
黃黑或喉乾唇焦小便短澀微黃大便泄瀉帶黑是為火毒凝結愈

發白愈守方方藥照後久久投之自有效驗若令更別方必生變故

○又有非白喉而轉為白喉者初起喉痛紅腫或惡寒發熱或不惡寒發熱一邊腫名曰單蛾兩邊腫名曰雙蛾治之稍緩則氣閉不起宜用生土牛夕引熱下行大便閉用大黃否則不必用與白喉症異治同

○又有癆症白喉陰虛火燥痛極而水米難下漸至朽爛形容枯槁面目憔悴必需補劑使元氣充滿而喉痛自愈若以時疫白喉誤認陰虛差之毫釐失之千里○又有一種白喉無惡寒發熱等症喉內起白皮隨落隨長的是寒症非桂附不愈即誤服消風敗毒之藥亦無大損若以時疫白喉認為此症則為害不淺矣

時疫白喉看法

初起時惡寒發熱頭痛背脹遍身骨節疼痛喉內或極痛或微痛或不痛而喉內微硬有隨發而白隨現有至二三日而白始現或由白點白條白塊漸至滿喉皆白所治皆同服藥後喉內或白收緊或白稀疎或白微小或白轉黃久之必然退淨

時疫白喉治法

初起用粉葛姜蠶蟬退以散風熱以牛蒡連翹金銀花土茯苓消腫敗毒生地黄芩元參枝仁豆根麥冬石膏清熱木通澤瀉車前仁引熱下行重者再加馬勃龍胆草外用生土牛夕兜或於未服藥之先既服藥之後煎水間服再以萬年青搗汁或服或噙輕者以除瘟化毒散主之重者以神功辟邪散主之再重者以神仙活命湯主之輕

則日服一二劑重則日服三四劑將疫毒由上焦引至中焦由中焦引至下焦自大便出大便瀉泄火毒下行此為吉兆大便閉塞少加熟大黃如仍閉塞改用生大黃大便泄即去服十餘劑愈者有之服二三十劑愈者有之以白點退淨為度其分量藥味之加減劑數之多寡須臨症制宜不必另更別方連日投之自然全愈屢試屢驗白點退完當用清涼之品以清心滌肺湯主之日服一劑徹盡餘毒再服養陰之劑以養正湯主之脾胃素虛者用四君子湯加生何首烏金銀花總賴以圖機行活法也

除瘟化毒散 粉葛 二錢 黃芩 二錢 生地 三錢 枝仁 二錢 姜 二錢 炒 蟲 二錢

浙貝 三錢 豆根 二錢 木通 二錢 蟬退 一錢 甘草 五分 引加冬桑葉

二錢 此方自侯
初起宜之

神功辟邪散 粉葛二錢 生地四錢 木通二錢 連翹二錢 姜蟲三錢

浙貝三錢 銀花二錢 蟬退一錢 黃芩二錢 牛子房二錢 麥冬三錢
去心

馬勃二錢用
絹色煎 引加生青果三个

神仙活命湯 龍胆草一錢 金銀花二錢 土茯苓五錢 生石膏三錢

車前仁二錢 木通二錢 浙貝母三錢 蟬退一錢 姜蟲三錢 黃芩

三錢 生地四錢 馬勃二錢用
絹色煎 引加生青果五个

以上二方白喉重者宜之日服二三劑少則不效

清心滌肺湯 生地三錢 浙貝二錢 黃柏二錢 麥冬三錢
去心 花粉二錢

知母二錢 天冬二錢 黃芩二錢 姜蟲一錢
炒 甘草五分 日服一劑

以二三劑為度體氣素弱加條參或加生玉竹亦可

養正湯 玉竹五錢 淮藥四錢 茯苓三錢 熟地四錢 生地三錢 酒芍

二錢 花粉二錢 麥冬三錢 首烏四錢 女貞子三錢

銀花四君子湯 黨參五錢 白朮四錢 茯苓三錢 生首烏四錢 甘草

一錢 金銀花二錢 引加冬桑葉二錢

瓜霜散 吹藥 西瓜霜一兩將皮硝灌入西瓜內秋風吹透瓜面上起白霜即是 人中白一錢 辰

砂二錢 雄精二分 冰片一錢 共研細末再乳無聲如非白喉滅

去雄精 以上方藥除陰虛寒症外果屬時疫白喉火毒之症

依方試之百不一失若症見白塊自落喉乾無涎音啞無聲兩

目直視痰壅氣喘七日不退面唇俱青藥不能下服藥大便不

通未服藥大便泄大便連泄不止此皆不治之症

一給金射蘇二給...

給蘇四...

給蘇...

給蘇...

給蘇...

給蘇...

給蘇...

給蘇...

給蘇...

給蘇...